

帶經堂集卷六十

欽定四庫全書
新編

玩蟲尾續詩六 續集下

送張敦復相國致政歸桐城四首

八荒同軌日上相袞衣歸督亢冰初泮桐鄉鴈正

飛幾年陪禁闈 予同相國之前後兩直南書房 此別阻音徽海內論耆

舊如公出處稀

龍眠山總好況有賜金園竹裏書連屋花時水到

門得歸仍遠志高卧亦 君恩貞觀惟丘壑應從

達者論

蠶尾續詩卷六

憶擁珠江節逢君休沐時雪酣中 平聲 酒後梅發近

檐枝良會誰能數歸田我較遲何年尋舊約細和

穎濱詩 子由有題李伯時龍眠山莊詩

見說浮山勝浮山繼大陽異苗曾應識種草至今

香已辨遊山屐頻來選佛場他時聞九帶早為指

迷方 公屨安為余言浮山之勝又以浮山書畫志屬題浮山遠禪師作九帶

送田綸霞少司徒予告還德州六首

倦游初抗疏未老竟抽簪遺愛留盤瓠新書就竹

林 繁露篇名 閉門惟鹿跡對客有鸞音舊德朝端重其如

高尚心 未用明皇送賀監語

再領中丞節還朝鬢未斑公才推畫省歸夢遶青

山行止水何意卷舒雲共閑杜亭風物好高卧掩

松關

中丞凡兩巡撫江西南貴州

十載惜勞薪君恩許乞去身尋源問漁父聽漏

別雞人車馬長楸道鶯花上洛津河梁一揮手怱

悵隔清塵

海鶴誰爲伴冥鴻不可招翛然謝朝市歸去混漁

樵室白惟書卷林香有藥苗良辰臨袂上巳接

花朝

我來君又去祖帳國西門惆悵衰年別殷勤醉後

三五

蠶尾續詩卷六

二

言隻雞招近局駟馬謝高軒預擬南村宅新詩約

細論

牛角斜陽裏逍遙挂漢書鷗邊停畫舫花外命籃

輿古碣尋方朔荒臺弔仲舒故園行樂處消息佇

雙魚

蟹

指海奔爭急紛紛執稻芒橫行聊自快顏甲亦何

妨用躁緣多足披堅恃有匡寒蒲終束縛應是悔

無腸

新作高梁橋

春水來金口迢迢太液通
鴨頭三月綠鴈齒一橋
紅翠羽洛川女斑駘明
下童冶遊爭日暮照影碧
瀾中

題尋山圖為霜臯老人作

一從投老射陽湖
麥秀歌殘望故都
幾見唐陵藏玉匣
猶存漢殿執金吾
清泠澗水千花路
瀟灑巾箱五岳圖
留得謝家晞髮集
鹿田風雨不曾孤

題趙齋如畫石

九華縮向一壺中
突兀毫端見化工
傳語東坡老居士
百金休買碧玲瓏

蠶尾續詩卷六

三

題茂京侍講山水小幅

宿雨初收雲未還
數峰杳靄出雲間
一峰蛾綠更娟好
大似吾家魚子山

水經注魚子水經此山下

送朱悔人之任石泉

龍州古陰平直北
通仇池嚴關比劍門
所以限羌夷
縋險叢草吏坐使漢業墮
至今蠶陵道嗚咽江流
悲君今叱馭往九折
凌險巖懷古過戰場
憑軾賦新詩
況復石紐村神禹聞降
茲實始肇西音請歌
候人猗郡邑雖荒
遐見聞頗經竒賦心
擬司馬淵雲亦吾師
三年一彈指趣裝應
及時臺閣多故

人待君慰調饑努力醕此觴班馬翹路歧

立秋日雨竟夜晨起竹軒即事

夜雨達晨朝湘簾如潑水蓐收一以至西陸無淹
晷蕭晨坐齋閣日影漾簾八鳥聲乍清圓斷續悅
人耳藥欄數竿竹嬾娟照清泚冉冉紫雲蓋翻翻
紅鵲尾末麗交芳香幽蘭競藿靡時復讀我書宛
在茅簷裏

送門人王赤杼

丹林

舍人謝病歸錢塘

昨日蠶陵尹

悔人

才浮三峽流今朝鳳池客又泛五

湖舟尚有文園病能忘鄴下遊護蘇何處寄持以

蠶尾續詩卷六

四

緩離憂

此詩屬陳子文將歸山兩書扇赤杼屬客畫五湖秋木及葦蘇一圖

初秋三日竹軒即事

下直謝塵鞅居然物外游紅欄香過雨白鶴唳迎
秋素髮已垂領故山難久留

予客夏休沐歸僅五月即還京師

何年醴泉

上跛石弄清流

齒落

前日落左車今日落右車齟然落未已一往將何
如輔車一失勢舌在空中躊躇枕流愛清泠漱石愁
齟齬齒髮關神明斯言聞豈虛編貝妬曼倩嘯歌
希幼輿勿慨馬齒長後殆無留餘是身如浮雲變

滅在須臾何妨此贅疣造物爲驅除昔者白太傅
頗耽釋氏書旣知順化理胡爲重歎歎悔不早致
柔或以永居諸

白樂天菑落辭老
與菑別菑隨滂零

寄徐方虎侍讀兼示子貞學士

掉頭昔厭承明廬送老吳興水竹居餘不溪光何
激灩吳羌山色正蕭疎織簾舊識先生里載筆新
成太史書南路風流人共羨趨庭學士紫金魚

古語
北路

魚南
路徐

題滄浪高話卷示拙菴禪師兼寄牧仲中丞

一勺滄浪水清如阿耨池高僧偶飛錫刺史復能

三十一

蠶尾續詩卷六

五

詩翡翠簾垂處鷓鴣香定時飄然離墨去還識舊

苗茨

竹軒有花數種皆可玩獨梔子二本不花作

詩示之

新竹香解苞幽蘭澹盈襟縵華玉雪姿巧上搔頭
簪亭亭白練衣齒齒冒清潄木樨最後來粟已綴
黃金蒼蘆爾何意而獨有遐心妙香聞自昔掩抑
方在今豈如優鉢曇聞聲渺難尋何人毘舍園晏
坐蒼蘆林

立秋日作寄拙菴禪師

白髮黃雞且奈何玲瓏休唱百年歌西流弱水匆
匆去南嚮賓鴻故故多悲願終期歸淨域衰顏誰
遣照恒河毘耶居士觀空久古井于今更不波

卧疾門人繆湘芷沉見過時繆初病起

桂子紛金粟幽蘭裒露叢微風吹掩冉細雨下簾
櫳過我衆香國憐君七發工文殊且安坐居士欲
談空

答饋棗

棗花類芳蘭棗實勝丹荔昨朝下成蹊今日俄已
賜賜盡也見古樂府及內典何來致傾筐珍重遠相遺朱實紛磊砢

三一九

盤尾續詩卷六

六

盈盤堆火齊鄉味重安期次乃稱樂氏吾鄉有樂氏棗相傳樂毅携種
歸去歌燕風田園及秋事何必羨安邑千樹傳貨
殖

偶成

殘山賸水昔年遊葉落鐘鳴好便休鶴脰喻從園
吏得驢脣書向化人求挽鬢競喜孫曾長卧甕初
逢秫稻秋瀟灑微吟堪送老三間黃篾水邊樓

題門人徐內丘道冲補松泉圖

羲皇去人遠何方寄吾傲跛脚萬松間蒼厓落松
瀑

橡村圖爲子青賦

橡村身未到聊作畫圖觀漁具交蠶箔牛宮次鴨
闌豆棚聽雨坐草閣倚晴看自笑車生耳因君賦
考槃

送門人李曲江先少京兆之奉天

陪京古馮翊驄馬路人知紫塞三陵道丹楓十月
時貢貂通北部驛騎出東暉碣石觀滄海蒼茫一
賦詩

寄贈麋田山人

西川郭曩易傳之籜桶叟古來賢達流混跡無不
有抗懷寄雲壑高歌動林藪聽雨鹿田人千載思
尚友

題門人李蒼存瑞秋穫圖

舊家都梁下石田惟負郭吳牛十角強躬耕雜備
作淮口山氣佳清川帶林薄敢惜胼胝勞素業本
耕鑿高空日明迴農人告秋穫幸免鳧鼠憂蟹亦
無郭索廣場鳴碌碡茅簷歡鳥雀暮望煙火歸田
家足藜藿一飽不願餘終焉此棲託

王子千副使焦麓別銘圖楚僧元濟寫

摩圍居士言有微大字無過瘞鶴銘瘞鶴之銘海

門側風濤萬古長冥冥雷轟浪打日剝蝕魚龍能
觸莓苔腥逸少貞白辨疑似衆喙紛紜徒聽熒胎
禽化去幾千歲片石呵護勞山靈歐陽及見六百
字逮今存者如晨星淮陰張弼老好事作爲考辯
窮滄溟我昔懷古焦仙嶺醉下水府搜林扃電光
回首四十載歲月幾換堯堊堦東川使君勇過我
雙屐踏破三山青坐卧空山待水落古寺破鐔風
泠泠椎拓數字比瓊玖綈錦什襲羅中庭楚僧作
圖向篷底青春白浪浮空舸題詩却憶舊遊歷百
年飄忽風中螢

三三十一
晉龔續詩卷六

八

題門人孫貞伯嗣端松石間圖

偶似襄陽坐磐石還如栗里撫孤松幽居盡日無
人迹閑看春山鹿養茸

十月九日再雪竟夜晨起看晚菊適梁谿僧
岳蓮過訪彈琴記事

今年小雪後已見第二雪晨起坐高齋清暉照林
樾寒菊抱孤芳幽人矜晚節天宇何寥寥冰壺映
俱徹

上人白足侶來自錫山岑衲衣鴈門雪懷抱龍脣
琴幽蘭楚人唱大雅漢宮吟請師迴玉軫寫予山

水心遊五

墓歸

輓門人黃仙裳雲兼憶宗定九

東原今宿草又見哭黃公已覺河山異還悲耆舊

空文章曾逐鹿踪跡各冥鴻太息遺書在他時待

所忠黃年八十有三
東原宗隱居處

送文濤女姪赴蘭谿

遙憶之官處新安水至清芳蘭綠渚發春雪照帆

輕七里通嚴瀨千峰抱縣城謝庭風絮詠道韞舊

知名

送于鏡川之鄜州先任隴
階二州

蠶尾續詩卷六

九

三度更遊秦三川別路新雕陰臨近郭圓水渡征

人蒼鼠隋宮晚黃虵漢時春杜陵草堂月鄉思幾

逡巡

前門道院鶴

憐爾冲霄翮胡爲近市喧依然能警露寧復慕乘

軒月出孤松頂泉流白石根故山如在眼早晚謝

籠樊

臘月廿七日大雪

寒風浙瀝鳴牕紙曉雪霏微壓竹叢玉滿天山渾

不辨珮環聲在後堂中

上元後二日大雪

曾聞郢中曲白雪儷幽蘭又向星橋見何如素女
彈梅花正娟好修竹共清寒自藝松明火殘書未
倦看

二月廿五日復大雪

七度長安雪霏霏態轉新輕寒勒花絮妙舞上簾
茵金井調湯餅瓊田糝玉塵江淮初望幸欣睹

翠華春

時南巡視河湯餅
珮環語見姑臧記

寄題圖寧關爲子喜中丞作

黔陽鳥道切雲迴新作雄關亦壯哉紫氣遙從干

三十五

蠶尾續詩卷全

十

嶂合青山不藉五丁開天連銅柱烽煙淨地接盤
江職貢來我欲爲君銘劍閣磨厓萬仞紀崔嵬

題曹希文遠遊圖

鄴中才人五陵客臂挽強弓驕赭白朝來結束爲
急裝仰接飛鳶左右射胡奴擔囊逐馬尾虬鬚甕
甕蝟毛磔囊中磊砢貯何書無乃陰符授黃石丈
夫不得展胸臆俯仰乾坤太偏窄不如放意爲遠
遊六合茫茫如咫尺猛士詩人盡託乘酒徒劍客
皆迴席歸來調笑楚三閭憔悴江潭復何益

送朱子青歸濟南二首

京華歲月盡唐捐，何處林塘借坐眠。十日到家梅
兩歇，鵲華秋色落檐前。
名士軒頭碧四圍，藕花香浸釣魚磯。釣簾一笑水
天接，渺渺前汀鷗鷺飛。

題江采伯宗丞江山勝覽圖

大別山前漢江水，樓閣橫空去天咫。英雄割據幾
千年，江山奇麗還如此。先生少年讀書處，郎官湖
上煙波里。有時懷古更登臨，飛閣峇崑俯南紀。高
檣巨艦下荆門，灑岳廬山連楚尾。赤烏黃龍不復
見，陸弟周郎皆已矣。搔首青天一長嘯，江介魚龍
三三五九

蠶尾續詩卷六

十一

倏驚起二十年來客，幽薊夢想江山落。牕几禹生
放筆爲此圖，吳楚風煙收腕底。杖藜瀟灑彼何人，
丘壑終當置吾子。功成他日角巾歸，布襪青鞵從
此始。

爲門人杜樊川天鑑題雲水圖二首

當年一杖樊川路，下杜城連白鹿原。潏水清流響
環玦，終南雲物幻朝昏。

水流雲散意悠然，寄跡何妨尺五天。領取少林賓
主句，不須更費草鞋錢。

題門人張蘧若侍御環請毀魏闔墓疏後

北寺窮鈎黨先知國步屯九原人可作萬古史長
存狐鼠穿幽隧風雷洗墓門宮鄰與金虎一疏破
重昏

送梁藥亭庶常歸粵

遲暮強爲歡悲歡雜幾端燕從秋社去梅向嶺頭
看世態矜蟲臂仙人誤馬肝羅浮讀書處四百好
煙巒

題汪東山修撰秋帆圖三首

一片雲帆曉入吳過江三日是姑蘇橙黃橘綠西
風裏目送歸鴻下太湖

蠶尾續詩卷六

十一

綠蓑黃帽雨瀟瀟便趁吳淞江上潮歸去行吟何
處好維摩僧寺破山橋

弱齡薄技悔雕蟲拂拭當年荷鉅公紅豆莊中人
去久花開花落幾春風

此首專憶錢牧齋先生

題張仲子詩後

光啟字元明濟南章丘人隱白雲湖上一名郎中泊

君家郎中泊何似郎官湖雲氣流銀浦人家在玉
壺林園交水石煙火出菰蘆他日遺民錄千秋道
不孤

舍北林塘爲門人狄立人庶常作八首

陶令歸去來門前五株柳婀娜春風時爲君小垂

手柳崇

危石鳴激湍清流帶茅屋日落風氣寒題詩滿青

竹欵竹步

林亭何寂寞苔徑遠橫斜山鳥啼春雨滿堦紅杏

花杏花春雨林亭

我愛文泉子長吟古漁父桃花白鷺飛復愛元真

句漁唱亭

涉江采芙蓉朝陽復相惜幽人誰往來獨應招謝

客初日芙蓉亭

水木湛清華流暉漾高閣支枕聽禽鳴俯檻知魚

樂水木清華閣

后皇有嘉樹獨立自成陰最喜秋光裏家人掃橘

林橘鄉

寒梅仍作花滿庭皆積素髣髴雪堂人載酒臨臯

路雪堂

滄浪亭詩二首寄牧仲中丞

我昔萬里赴秦蜀書來邀賦滄浪亭喉間有語不

敢吐六一妙句通仙靈曲江樊川飽遊歷石鼈谷

水何清冷百花潭上花照眼東湖鳳翔坡公喜雨亭在其上菡萏千

娉婷東溪西溪夾明鏡中有萬竹森煙汀華州鄭縣亭子

蠶尾續詩卷六

七

滄浪南望渺天末恨無大翮排青冥歸來八載一
彈指卧遊往往尋圖經高林翠阜尚窈窕紅蕖綠
浪鋪丹青盤山僧來見畫本使我遠望空吟辨子
美有語即吾語擬來隨汝腰笻筇

蘇子美詩擬來
隨爾帶笻筇

夙愛子美犢頭詩滿川風雨潮生時風格正與梅
老敵火攻欲並才翁馳況復生逢天聖日廟堂左
右皆臯夔奈何一肯輒棄置古來謠詠生蛾眉遠
放江湖禦魑魅遣來吳會觀漣漪南園舊跡久蕪
沒古水曾識王元之一朝勝地落渠手天意亦似
哀湘壘竹外有小小外竹石磊衰徑窮灣碕坐俯
紅蕖壓奩鑑行看白鷺吹參差終老于斯亦不惡
鴟謀鳩逝將奚為梁苑先生秉旄節愛此十頃青
玻瓈臨流慷慨一懷古倏還舊觀憑指麾移來妙
喜但頃刻華林魚鳥生妍姿古人今人兩不朽何
須漢水沈豐碑

樵谷山圖為門人林公韞

一璘

賦

莆田之游洋有麥斜
元世祖命名樵谷山

御書三字以賜妙應真人林辟卿者林
子一璘其裔孫也嘗繪為圖請予賦詩

寶墨題樵谷名山記麥斜金庭仙吏宅紫帽隱人
家龍護前朝碣泉流異代花何年降綸綍茲地足
煙霞奔峭停雲族陰厓駐日車靈溪采芝朮密樾

宿麈麈招隱詩空在尋真事已遐
輞川餘粉本吟望一興嗟

題梁藥亭維摩詰圖

淨名方丈室微妙難思議雖具大辨才而不涉文字
天花與香飯神通暫游戲南海毘耶離空空亦非二

送狄立人庶常南歸

送君江左去南望闕江樓後夜相思夢遙應過石頭
商飈正搖落桂樹且淹留浩蕩煙波外難馴不下鷗

盤尾續詩卷六

十五

送魯留耕司業假歸建昌

秋風一櫂歸簫曲徑入麻源第三谷逶迤碧澗瀉
紅泉宛轉喬林帶修竹幾看東海變桑田仙人依舊
顏如玉麻姑遺跡剩丹丘况復曾經謝客游遙憶
題詩繼康樂芙蓉初日照芳洲登山臨水重陽近
目斷滄江鴻鴈秋

懷立人南歸時與藥亭同舟

霜信黃花節離心白板船鷓鴣爭得路蝦菜許歸
田林葉三秋晚江程五兩偏差強臯廡客籠裏過

殘年

賦得洞庭霜落夜送門人張弘蘧尚太史之

韻

秋晚洞庭霜千林橘柚黃扁舟從此去嶺表路何長
蕉鹿醒殘夢蓴鱸戀故鄉離心章貢水朝暮下潯陽

再送弘蘧

薄宦三千里驚濤十八灘萍蓬岐路遠松桂玉堂
寒木客吟中聽山都樹抄看炎方風土異行矣慎
加餐

爲王令詒題畫二絕句

三十一

蠶尾續詩卷六

六

茅屋臨清谿坐聽蕭蕭竹時聞山雨來聲亂西巖

瀑

竹谿
聽雨

香傳千樹梅風迴一天雪此中晏坐人都已離言

說

梅花村
晏坐

爲張弘蘧題牛車雪行圖

蟄蟲已墜戶行旅方閑關問君將何之轂鯨駕車
冰塞川層冰峨峨鹿鳴澤六出花飛雪盈尺蒼茫
不辨黃金臺突兀遙連太行白車中有客裘蒙茸
高歌抱膝如隆中昨朝秘省吟紅藥今日寒原逐
斷蓬君家清門臨甫里遙指西江隔雲水三高祠

聖恩賜西域葡萄二株恭紀二絕句

銜恩特賜草龍珠手向東園斲綠蕪未擬芳香

輸橘柚即看甘液勝醍醐

天馬蒲桃隔月氏貢來新自玉關陞蓬萊殿上初

宣賜何用崎嶇遣貳師

永嘉縣知縣贈浙江布政使司叅政謚忠勤

馬公挽詩

諱理武功人祖弘勳叛與
道臣陳公丹亦同時殉節

武功天一握家世右扶風豈意逢天醉翻令作鬼

雄太常新議謚

御墨昔褒忠萬古金鰲背雲旗

三十一

蠶尾續詩卷六

大

下海東

上西巡過洪洞辛丑進士臣范鄔鼎恭獻所著理

學備考一書

御書山林雲鶴四大字

賜之賦詩紀事

師曠當時里今為通德門書成伊維後道感帝

王尊矯矣雲中鶴離哉天外翻河汾留一老長戴

聖明恩

題秋史孝廉二十四泉草堂

在趵突泉兩股
文莊公園舊址

草堂負西郭聞是舊平泉將相邯鄲枕紛紜慶曆

年

謂文莊同時新
鄭江陵之事

清溪帶茅屋古木剝寒煙惟有金輿

色朝朝落檻前

華不注一名金輿園有金輿山房

早日

早日松蘿少宦情中年槐棘誤浮名久貪殷浩周旋我不屑桓温駕馭卿千樹秋風黃橘社五湖春水白鷗盟蓴羹至竟須歸沈一笑滄浪自濯纓

題陳丙齋少司寇閑園圖

帶腰草綠水平池園柳鳴禽又一時西射堂前春

事好五言傳得謝公詩

陳秋溟孝廉秋泛圖

將游粵西

父山列仙居數峰青未了下有桐溪流水色湛清

三五五七

蠶尾續詩卷六

九

漂幽人喜沂沿一帆凌浩淼緒風起蘋末暝色帶歸鳥活火辨槍旗茶煙出林杪卧聽銅斗歌此樂堪終老忽復泛瀟湘楚山閱清曉

硯溪

濟南郡城西北五里有洗硯泉流為大溪曰硯溪孫氏別墅在焉嘗于土中掘得一石有趙松雪篆書二詩甚工

古人洗硯處今日尚名溪十里稻畦合孤村蓮葉齊水鄉蝦菜足秋色鵲華低玉筍何人志莓苔拂

舊題

趙有鵲華秋色圖舒元興有五筍篆志

寄題鮑氏竹圃

城南鮑氏竹何似古梁園筍迸春泥出煙和曉露翻雞啼初過雨竹雞長共開樽竹不厭清狂客頻

來卧竹根

許不棄畫竹歌并送之陳留

許侯筆力何雄剛五指作竹如劍鋸坡陀逶迤石
瑩确勢干白日凌風霜三株桀立儼將相高冠大
珮森開張兩株意態稍奔逸煙枝兩葉相低昂乍
疑員丘中梁棟似聞解谷含宮商湖州一派久絕
跡世人惟寶夏太常許侯磊砢負奇氣平生節目
堅簷篔石林手種竹萬个興來自寫千筴簾珍重
相貽比金錯寒颶五月生高堂老夫愛竹兼愛畫
忽如一葉浮清湘侯今擁傳之大梁梁園修竹煙
蒼茫七賢飲處近咫尺莫圖嵇阮遺山王

蠶尾續詩卷六

二

西堤

堤外春流界稻田堤邊鷗鷺淨娟娟風煙里畔千
條柳十里清陰到玉泉

海陵一名
風煙里

題許有介雜畫冊五首

金陵山繞郭春望一空濛多少南朝寺迷離煙雨
中

彭蠡春茫茫艤舟落星石滿眼是廬山一笑非生
客

翠藤紅樹裏依約見柴門三十年前夢青衣江上

村

客從熊耳歸三日行懈谷滿山紅杜鵑掩映丹青竹

栢葉養麝香麝過香滿谷機忘不畏人時來眠石

竹

為門人黃文三泰題紅蘭畫梅

清夜梁園授簡回瓊瑤初見幾枝開朱門雪後無人跡寫得花光一樹梅

送陳子文出知石阡六首

銅柱南頭道路長江流猶接楚人鄉祇如太史浮

二二之八

蠶尾續詩卷六

三

湘去一路看山到夜郎

曾見揮毫侍玉除柏梁章句右軍書如今卻逐征蠻府誰復論詩更起予

當年彩筆賦臯蘭又遣題詩到錦官今日牂牁江上路相如書檄不曾難

鷓鴣聲裏路迢迢兵氣初從瘴氣消要使夜郎知漢大紅苗近帶紫姜苗

又見文翁遠剖符蠻荒何必減通都牂牁名士西京後猶有當時盛覽無

自憐白首未歸田爾復南征望跼心折潞亭帆

隱處兩行衰柳數聲蟬

秋日思歸作

丘壑經心苦未還殘書聊用慰衰顏半生歸夢尊
鱸裏晚歲藏名木鴈間黃鳥春啼開藥圃烏犍曉
駕出柴關漁樵比舍頻來往忘却蛾眉舊綴班

題說巖相國午亭圖兼留別三首

大行西來龍蜿蜒析城王屋相鈎連中有岐公好
泉石風流千古兩樊川

紫府仙山望不遙何妨丘壑映蟬貂午亭粉本分
明在留與他年伴午橋

下李七

蠶尾續詩卷六

主

魯連陂水白鷗風柳港荷塘似鏡中容我披蓑釣
春雨果然五相一漁翁

題門人史蕉飲編修

中義

春泉洗藥圖

姑射仙人冰雪膚新詩傳唱滿通都極知遲暮難
為別更展春泉洗藥圖

將歸別西軒竹

主人當去汝叢竹故依然況是將離日初逢小雪

天

帶經堂集卷六十

新城王士禎貽上

蠶尾續詩七

古夫子亭稿上

追錄乙亥舊作

送謝方山歸里

又送青門薄笨車挂冠神武意何如由來名士皆
耽隱詎有佳人不讀書九日風煙對樽酒百泉流
水遶堦除杖藜此去追禽尚長白山中有敝廬

第四

句用雲栖禪學語
衛水發源百泉

題方山別墅

高原臨馬頰中有謝公村芳樹春連屋清川日在

三十九

蠶尾續詩卷七

一

門人如古漁父

劉蛻文泉子有
古漁父十篇

地即桃花源十載長安

別心期此重論

朱子青桐陰清畫圖

濃陰生晝寂蒼苔綠上裾過雨鳥聲樂花藥亦芬
敷池光汎遙裔桐影涵清虛主人適無事據梧方
晏如

聖輿子青邀遊漪園

以山色上樓多
為韻得山字

齊州富流水碧玉爭潺湲

七十二
泉之一

溫泉倚西郭屐笠

時追攀入門見方塘石子擣蒲斑垂楊下婀娜幽

禽上綿蠻文魚映碧藻得意濠濮間飛閣跨靈溪

坐見城南山微雨作膏沐露此千髻鬢灤水從南
來遶城鏘珮環足踏青瑤流目注白銀灣咫尺凌
方壺冷然御風還

明日汎大明湖登水面歷下諸亭

以水木湛清华
為顛得水字

已訪灤源堂更汎明湖水十年始一到白髮照清
泚鳧鷗喜我來拍拍沙際起遙見蘆之漪已有扁
舟艤楊柳何蕭蕭葭菼亦靡靡太息漢南樹憔悴
今如此舟行明鏡中鳥哢屏風裏昔賢觴詠處餘
韻留蘭蒨濟南名士多青眼望吾子日暮銅斗歌
斷續忽盈耳懷哉坡老言煙波洗紋綺

三三三

露尾續詩卷七

二

將至謝家村寄方山郎中

屈曲清溪碧玉流草風莎雨暗汀洲謫仙老作江
東客祇愛青山謝朓樓

送從姪遵歸梁溪三首

今從嵇姓
名曾異

第五名真好門臨第二泉溪山成久別松桂故依
然歸路黃梅雨離心白板船遙知相憶處卯色五
湖天

往日同袍子常思顧

梁汾

與秦

對巖

青山尚招隱白髮

好禁春舊雨皆陳跡晨星幾故人相逢如問訊垂

老作桓因

曾到青羊野，愚公舊此家。小山餘桂樹，殘雪過梅花。啼鳥朱門閉，哀泉碧澗斜。昔游如夢幻，送汝一長嗟。

鄒氏愚公谷

題謝邨果園贈方山郎中

早入甘蔗園，暮過修竹寺。三日住南邨，足跡畏城市。園中嘉樹林，歲久益滋殖。請賦角弓詩，喬木識所自。垂柳大十圍，主人昔手植。來禽與青李，囊盛亦親試。朱櫻紫花梨，穠冶各自媚。石榴本安西，齊棗矜樂氏。百顆驪龍珠，遠從大宛致。桃梅下成谿，盈枝俄已賜。賜盡也見內典花開步障圍，果熟衆禽至。日車

三十一

靈犀續詩卷七

三

卻亭午陰滿，蒼苔地茅亭。通野色襪，禎多古意緬。昔虞淵簿亦入西京記，因謝主林神爲君補山志。

娥英祠

酌突泉上

樂源通北渚，當日祀英皇。帝子何年去，靈祠幾代荒。九歌怨蘭芷，二水似瀟湘。仿佛雲和瑟，青峰寫恨長。

汎湖欲訪水月禪寺不果二首

水鳥說七佛，偈霜鐘轉百法華。五十六年如夢阿誰解，筭河沙。

予以順治庚寅居此今五十六年矣

一笑世經千劫久，署亭名四休。又別湖中魚鳥七

橋幾度迴頭

題蕭韓坡侍讀天台訪道圖

忽思石梁勝遙訪羽人家青燭四時飀碧桃千歲
花晴天華頂鶴春日赤城霞已獲登真訣何須太
乙槎

安德歸飲焦考功吉雲露園二首

露園十載約歲月壑藏舟門向青山郭橋通黃篋
樓高臺石萬笏曲徑竹千頭風物清明近條然已
似秋

最愛盧鴻乙中峰舊草堂復聞王給事自畫輞川

鷲尾續詩卷上

四

莊金碧潭堪拾茱萸泝自芳誰言兼二妙丘壑此

中藏

昔在京師見宣和御府所藏盧鴻草堂圖
上有御書又輞川圖平生曾見數本

東平陵

隴上人歌松栢桐歌聲哀怨曲難終雲臺不待劉
文叔走馬交錢劫義公

題李西涯樂府後即做其體

追錄康熙
乙卯舊作

畏吾邨南子規啼湘江春草何萋萋生坐中書死
不歸青門祖道誰掩涕早發一言同去耳今日之
涕嗟晚矣泌陽城鈞陽城劇賊忠佞何分明此公
乃得文正名太常惜不聞榮靈

濟北田家題壁

來時櫻未熟歸日麥登場處處桑榆綠村村餅餌
香餘生醒鹿夢世路怯羊腸長夏便平聲高枕青奴
一味涼

惜華二山下作

麥已登場蠶不眠田家即事足听然迴塘淺港浮
花鴨綠樹青林叫杜鵑袍笏久知如昨夢谿山猶
欲了前緣過眉七尺紅藤杖伴我芒鞋幾兩穿

惜山

眼明忽見見惜山亭十幅臨流展畫屏自是天公薄

三六七

蠶尾續詩卷七

五

梳掠雨餘渲出佛頭青

華不注

憶下巫山翠萬重江雲峽雨試輕容依稀三十年

前夢十二峰中見此峰

巫峰中有神女峰又名美人峰
此山與之相似但不遠其高耳

題趙怡齋詩卷追悼大木

自失馮遂五見秋腹悲三度過陵州山川不遣英
靈盡又見清吟趙倚樓

雪後即事

北風凍雪壓茅茨夢覺南榮日上遲紙帳清香添
睡鴨地爐活火爇蹲鴟屐穿徑竹橫斜處耳倦簷

冰滴瀝時等是殘年好風景十年京雒不曾知

幔亭弟登蓬萊閣歸賦贈

千仞蓬萊閣罡風挾羽翰青天紛島嶼滄海一波
瀾釣客逢龍伯歸帆識馬韓齊州煙九點奇絕雪
中看

將以春遊柳菴東蕭亭

西峰有禪窟近說住僧稀浩劫紅樓在餘生白首
歸河邊拋寶屐樹底挂珍衣輞口同攜手春山白
鷺飛

寄吳寶厓二首

子士

蠶尾續詩卷七

六

競說仙人萼綠華紫金跳脫降羊家苧蘿溪上春
無主一代紅顏獨浣紗

紫陌紛紛看牡丹車如流水從去聲金鞍那知冰雪

西溪路猶有梅花耐歲寒

題夫子草堂

子仲逃名處夫子有舊亭攀頭山簇簇魚子水冷
冷高枕蓮花漏焚香貝葉經衰遲返初服為謝草
堂靈

樊裊鄆城人明侍郎敬尚書繼祖之裔孫善

琴尤以琵琶擅名所彈率與時異戊寅在

京師大宗伯涓來兄攜以過予云被欲得一詩久今且往閩中特來取別爲坐彈出塞等數曲後八年舍弟幔亭遇之蓬萊閣復申前請爲賦五絕句

尚書門第道人裝未遣曹剛遠擅場記得長安秋
日午坐中雲水似瀟湘

梨園弟子各矜能賀老琵琶獨擅稱但說段師無敵手那知絕調有樊陵

扶蘇城上月如鈎彈作征人出塞愁忽聽涼蛩和哀雁一時心折漢宮秋

三十三

蟹尾續詩卷七

七

苦竹黃蘆滿目愁嘈嘈切切似江州茫茫九派多風雪憶泊潯陽舊酒樓

萬古希聲託杳冥水仙遺操感湘靈刺船一去無消息又向蓬萊閣上聽

方山送酒

歲晏柴門閉開門到酒車迢遙廣川路珍重謝公書冰雪交情見浮雲世態如黃壚今在否懷舊一愁子

盆梅

鄧侯昔約扁舟去正及花時三日住春雨廉纖不

放晴翠羽明珠幾千樹吾衰卧疾掩蓬門祇有梅花役夢魂
牕前昨夜一花發夢到漁洋風雪村

梅花二絕句

暗香初動向南枝夢覺參橫月落時擔上春風競桃李
真香熏骨幾人知

一樹冰姿正着花紅牕影裏月橫斜依稀枕上游仙夢
萼綠華堂萼綠華

見梅寄蕭亭山中二首

老人峰下北山坳幾點梅花映斷橋應有幽人曳藜杖
谿流清淺雪蕭蕭

蠶尾續詩卷七

八

暖日浮牕似凍蠅隨緣粥飯百無能雪谿詩思何人領
寄語梅花樹下僧

山谷詩昔時愛菊陶彭澤今作梅花樹下僧

舟次

追錄順治辛丑舊作

野鴨鳴漁村霜清知天曉推篷一騁望湖氣何渺
宵煙寒遠樹稀水闊沙洲小昨泊秦郵城明及安宜道
搔首汜湖陰漁樵可終老

題善慶菴止亭壁

故相孫文定公別業主僧八十餘坐脫

西郊古蘭若云是舊平泉曾過雙林寺來參一味禪
溪流功德水僧返淨居天俯仰如賢劫經行獨

惘然

題幔亭石橋別業王謝堂

不是烏衣舊茅堂燕亦棲呢喃記春社辛苦啄香
泥夕照穿花見微風掠水低倉琅木門道歸路未
終迷

趙氏澗園二首

二水當門合巘巘一徑幽東溪旣圓折西澗復方
流雪瀑穿松竹春沙矯鷺鷗右丞傳小簇彷彿輞
川遊

可亭最高處山水各清音響出頻迦鳥香傳簷蔔
林偶來臨水坐已似入山深明月東峰吐爲君張
玉琴

蠶尾續詩卷七

九

贈蕭亭

卜鄰魚子水近接石羊山老去慚招隱歸來共閉
關鱸蓴吾計得魚麥此生閑寫作屏風樣睢陽洛
社間

淄川偶懷道楷禪師

晨過古淄州忽憶芙蓉楷不屑紫衣僧甘心蹈東
海鐵鋸和三臺洞上宗風在無忝太陽孫斯人邈
千載

輓吳天章

生入甘露門死爲甘露滅豈况無生忍不生亦不滅子昔事禪悅兼復慕游化門前五女峰上有十丈蓮下界六十年逢場暫游戲來去衆香國終然飽禪味不屑海山住應歸兜率天下視大吹聚蠟蠟爭撲緣已空文字障靜閱莊嚴劫何事勞結集猶煩大迦葉

輓洪昉思

送爾前溪去栖遲歲月多菟裘終未卜魚腹恨如何采隱懷蒼雪招魂弔汨羅新詞傳樂部猶聽雪

兒歌

昉思工詞曲所製長生殿傳奇劇初成

蠶尾續詩卷七

十

范文正公祠

慶曆多君子吾思范履霜楓林對秋谷泉水遶空堂朋黨千秋論平生一瓣香徘徊薦蘋藻斜日下松篁

雪中試鄭宅茶

莆產最佳李質君中丞寄

曉色凍啼鴉柴門靜不譁散齋逢小雪病渴仰真茶紅火開鑪日黃梅拂檻花鳳團天上賜無復夢

東華

第四句用晉人帖語

畫眉

搯頭學得卓家眉蜀道啼春和子規長憶閬州三

月暮嘉陵江暗雨來時

鸚鵡二首

味帶紅芳映綠衣
雕籠長閉與心違
誰知夜夜金鋪裏
夢向秦雲隴樹飛
香山蠓鏡紅鸚鵡
洋舸來從萬里遙
曾向珠江蕭寺見
一林花雨對紅蕉

得陳子文湖口寄書述游石鐘山之興因以

寄懷

平生廬岳興先寄
石鐘山搔首青天外
題詩白浪間書來
彭蠡口人去落星灣
再有黔陽信瀟湘北

二十三

雁尾續詩卷七

十一

雁還

得子文黔中信

君窮五尺道萬里
遠浮湘蘭杜清秋
晚風煙楚國長行人
問銅鼓回雁阻衡陽
司馬題橋日山川古
夜郎

山雞

羽毛絳縹錦文齊
愛啄林花飲舊谿
不羨開元擅恩寵
紅羅纏項鬪回雞

彈琴

三峽流泉指下迴
胎仙三疊舞絳絳
阿瞞意氣雄

豪甚別喚花奴羯鼓來

說劍

虎氣方騰太乙爐
王僚魄已奪靈胥
水行雲夢三千里
卻使荆王得湛盧

蠟梅四絕句

宮黃塗額映香雲
甲煎去聲初濃著意薰
疑是智瓊歸洛去
至今留得鬱金裙

羞言千媚在中央
林下風期謝女妝
紙帳一枝伴清絕
麝臍香染蜜脾黃

昆彌小鳥淡黃襟
也得承恩宿上林
要遣寒葩鬪

三五六

蠶尾續詩卷七

七

風雪枝頭常吐辟寒金

旃檀蕪處香熏骨
冰雪開時玉鍊顏
坐對真成被花惱
額黃無限夕陽山

再題蠟梅一絕句

蠟梅初名黃梅
蘇黃始改名

索共江梅一笑譁
點酥融蠟幾枝斜
自從月旦經坡谷
祇合呼名元祐花

初春濟南作

追錄順治
乙未舊作

山郡逢春復乍晴
陂塘分出幾泉清
郭邊萬戶皆臨水
雪後千峰半入城

金天行讀開天傳信記作

我聞開元天子昔封禪道旁伏謁金天王名山顯
位奠雍土至今碑版猶焜煌漁陽鞀鼓一聲動潼
關突騎紛騰驪山烽火未及舉延秋夜啓何倉
皇五家錦繡照天地爲燐火填陳倉此時岳神
在何許不聞扈蹕來梁洋能捍大患禮有祀五岳
望秩殊封疆少昊所都應井鬼一朝帽伏眠如羊
神道設教亦兒戲或關人事有否臧君不見天寶
已事何披猖不須誚讓金天王

冬夜聽搗鼓二絕句

唐熙壬子余舟下三峽時陳忠愍公
福鎮夔門高晏白帝城伐鼓大合樂

江水皆沸余詩所謂朱鷺
軍中樂青楓渡口杯是也

三七七

晉尾續詩卷七

十三

休摩落梅三弄笛且拋穠李四條絃當筵快意金
剛舞羯鼓轟雷酒似泉

白帝城高雲雨開軍中合樂鼓如雷將軍劍舞秋

風裏十丈驚濤濫預堆

唐裴將軍旻劍舞
爲開元三絕之一

龐居士湖二首

新城北錦秋湖西
居士沉金於此

三策功成已沼吳更將餘事作陶朱偶來居士沈
金渚羞煞鷓鴣夷汎五湖

漢陰曾卜德公鄰口吸西江話又新復見沈金東
海上三生好覓姓龐人

封丘覽古詩贈岳都諫鎮九同年

都諫知封丘瓶
修高常侍祠

碑標黃池青陵志云人為賦
之偶遺蟲字一題今補作

天王馮玉几諸侯急盟誓春秋書蟲牢所以明大
義九國既煙消兩周亦感逝舊壘孤兔鄰驚蓬起
寒吹

雜題近人諸傳奇後五首

潼南百戰畏重瞳玉玦三提失沛公千載楚江秋
色裏寒山如嘯哭英雄

霸亭秋杜默
平項王事

鄴中餘子一醢雞薦禰高風孰與齊快意漁陽三
弄罷墓門無魄署征西

漁陽三王并
禰衡事

巾幗兜鍪事亦奇織兒那許辨雄雌買絲繡作荀

三百五
蠶尾續詩卷七

十四

崧女同配高涼錦繡祠

雌木蘭從軍
織去聲

牛羊日曆凜陽秋不洗平泉草木愁曾向籌邊樓

上望維州不見見崖州

籌邊樓李
衛公事

虛聞劍術可通神河北淮西僭亂頻雲棧茫茫斷

消息欲將匕首向何人

黑白衛轟
隱娘事

二月十四日夜雷雨

是日
驚駭

今年春應令驚蟄早聞雷魑魅中宵避蛟龍大壑
來陰陽乍相薄甲圻已全開不寐聆天鼓軒轅亦
壯哉

池上

料峭西風日又斜江鴻海燕各天涯小池清淺游
魚少猶見紫薇三兩花

徐虹亭太史寫垂虹秋色見寄報謝

玉堂遷客去江東十載相思一雁通想見秋風吹
震澤鱸魚香裏寫垂虹

寄題虹亭松風亭

江城如畫具區東小結茅茨著退翁多少朱門苦
炎熱勞君五月賣松風

題呂紀柳塘戲鵝三首

新柳絲絲絮未飛清流如雪浴毛衣乍疑初寫黃

二二子文

蠶尾續詩卷七

十五

庭罷籠取鷺羣日暮歸

短短茴香映綠莎雙雙紅掌蘸清波相呼擇乳金
塘暖不比桓家教鬪鷺

誰圖舒雁柳塘風呂紀丹青奪化工陽羨書生休
作劇人間何事不鷺籠

爲成周卜題洗竹圖二首

曾汎長沙萬里船離離斑竹雜湘煙鷓鴣啼處風
吹雨憶泊黃陵古廟前

蕭瑟寒塘但竹枝長橋屈曲帶漣漪持竿不是困
魴鯉要斫青光寫楚辭

題蔣靜山仙館吹笙圖二首

神人姑射本仙姿，曾見霓裳按舞時。一夕青冥風露冷，銀河吹徹玉參差。

樂府雜錄笙亦名參差

身是玉皇香案吏，燒丹煉汞已多年。何如徑訪浮丘去，一學吹笙便得仙。

七夕賦得緱嶺吹笙

吾家王子好吹笙，七夕緱山來下迎。仙路一昇白鶴馭，人間常識鳳皇鳴。迢迢碧漢垂清洛，渺渺丹霞接赤城。縹緲餘音猶未絕，月華三十六峰生。

題李衛公一品集

蠶尾續詩卷七

一六

相業元和與會昌，武皇三劍有輝光。太牢未付庖丁手，悔坐中書食萬羊。

雪中盆蘭又作數花賦之

素姿不屑浣鉛華，來自西江道路賒。冉冉幽香拂簾額，紛紛急雪落檐牙。六花已入梁園賦，九畹還從楚客誇。猶有東籬一叢菊，歲寒相伴在陶家。

秋日安宜舟中作

追改舊作

水鴉閑夕陽，漁叢挂汀樹。秋氣感人懷，况近陳琳墓。

楊村舟中戲題

追錄順治乙未舊作

河口花明錦纜春
砑繚綾子領邊巾
不知何事牽
儂意欲疊紅箋賦洛神

題文點畫

清風乍拂林明泉
初映麓白雲亦無心來伴幽人
宿

金釵澗竹枝

女兒十五鬢堆鴉
不解蠶桑與績麻
朝逐江鷗暮
沙雁金釵澗上是儂家

趙北口題旅壁

追錄乙
已舊作

趙北燕南水四圍
此中避世可忘機
離離芡實迎

蠶尾續詩卷七

十七

秋熟拍拍鷗羣接翅飛
漁舍半連黃篾舫釣人相
映綠簑衣淮南小別成
千里魚稻珠湖願已違

帶經堂集卷六十一

帶經堂集卷六十二

歙門人程哲校編

新城王士禛貽上

蠶尾續詩八 古夫于亭稿下

二月八日雪二首

曉夢剡溪行黃昏雪意成不愁三徑沒祇愛小牕
明映月鵬無色爬沙鱉有聲可憐花共雪偏遶洛
陽城 何遜詩洛陽城東西却作繚年
別去日雪如花今來花似雪

妙舞態廉纖因風拂畫簷飛來白銀闕却上水精
簾謝女吟成絮吳孃笑是鹽玉壺無算爵清漏莫

頻添 唐詩娥媚吳孃笑是鹽鹽如樂
府昔昔鹽阿鵲臨寒殿鹽之類

蠶尾續詩卷八

雪中探春二首

雪月光中姑射身冰絲為帔瑩為人雄蜂雌蝶誰
偷眼獨與寒梅嬌上春

闌西半樹玉瓏鬆早占春來上番 去聲 風最是初晴
弦月影一枝和雪到簾櫳

水仙

翠羽明珠點綴勻水仙風信一園春銅臺石墨敲
冰紙自寫王家小洛神 花信風小寒三信
梅花山茶水仙

鷹

角鷹何颯爽寒至氣飛揚捎兔低枯草隨雲沒大

荒長風吹背雪落日慘眸黃弱肉真強食秋高正

變鶴

內攬部初變為鶴
轉鶴再變為正鶴

鬪雞

疾視氣何豪猶煩芥羽勞羈棲非異族角鬪故相
高海鶴青冥伴秋鷹玉雪毛紛紛應笑汝得失競
韝條

分賦菊得孔雀尾

豈是炎州種東籬絢素襟未登嵇氏狀却號孔家
禽斜日明金碧流波映淺深舞餘終自惜霜露忍
相尋

三五五三

蠶尾續詩卷八

二

白兔

桂樹凝香舞隊齊
熒熒那復顧東西
廣寒自伴蟾
蜍影惆悵平陵竇氏妻

靜明園

水出華林苑山圍鄠杜田
稻香交輦路柳色蔭通
川白燕翻珠網紅鷗下
玉泉離宮三十六縹緲入

雲煙

前九鯉湖
有紅鷗

題法黃石方伯春雲出岫圖因憶岐山舊遊

兩角孤雲

二山名

倏有無雲如奔浪雨如酥杜陽川上

支筇客身在春雲出岫圖

趙氏因園四時歌

春山煙靄正霏微，取次林園步障圍。
幾樹辛夷花似雪，紅襟偏掠雪中飛。

宛在亭中結夏宜，風簾半捲雨催詩。
池如望月連弦月，花似紅兒對雪兒。

琴筑聲多雜珮環，石門秋瀑落潺湲。
行行西竺無憂樹，處處南宗著色山。

逸舫遙開荆麓西，冰稜石骨百重梯。
夢迴索笑梅花裏，花滿寒山雪漲溪。

汪于鼎夢偕予登武林慧日峰絕頂作圖遠

三子并

晉虎續詩卷八

三

寄題二絕句

當年飛夢到天都，夢裏登臨事有無。
慧日峰頭望

江海潮頭彷彿坐靈胥

昔在廣陵夢與唐耕塢游黃山已四十餘年矣

梧桐樓下夢分明，起聽鄰江夜雨聲。
夢裏與君尋

舊約，又披風帽過臨平

壬子使蜀雨宿潼川夢舟行吳越間或語予曰臨平道上也今亦三十五年矣

大椿軒牡丹

綠楊庭院裊游絲，卯酒初酣朶朶垂。
三月又過寒食節，一春最好牡丹時。
紫絲步障香須護，罨畫溪山席屢移。
空遇風流永嘉守，不如紅藥有新詩。

紫探春

閨苑無雙種，亭亭向夕陽。
簾前新賜紫，殿內舊含香。
玉是分吳豔，羅應賭謝囊。
魚鱗可憐色，夜夜吐珠光。

魚含珠則鱗紫唐詩魚鱗可憐紫

自西山移柿四株題二絕句

海人鐵網新羅得，金谷園中見幾株。
却笑齊奴如意手，不逢漢殿女珊瑚。

青女霜飛萬木空，丹砂葉葉夕陽中。
燕支奪後無顏色，知減西谿幾片紅。

石竹

一名洛陽花

洛陽花事已蹉跎，小草幽叢態更多。
花裏一雙驚

三五十五

晉靈尾續詩卷八

四

蛺蝶故添金粉上宮羅

石榴

黃鳥聲中近麥秋，北牕高枕綠天幽。
甘蕉葉大筍驚籜，紅破一枝安石榴。

楓

當年夜泊寒山寺，楓冷吳江第幾橋。
移得一株紅葉樹，江南殘夢雨瀟瀟。

繡毬

誰將玉葉巧雕鏤，月戶玲瓏密四周。
疑是東皇親說法，滿枝輒出雪峰毬。

鷗舫即事

湘簾展風漪羲黃舊有期
草香花落後筍長燕來時
微雨洗白石跳珠浮淥池
魚苗才一寸也解趁涼颺

蔗園聞蟬

出郭聽鳴蟬涼生雨後天
清知飽晨露急欲雜繁絃
暝色山村外斜陽水寺邊
此中抱微尚甘遜左貂賢

紫薇

絲綸閣下舊芳叢也許茅檐伴醉翁
更乞麻姑借

三首

蟹尾續詩卷八

五

仙瓜翩然洛浦看驚鴻

落花

穠華如逝水惜別欲殘春
不學楊花亂應憐桃李
人便娟毬上舞憔悴掌中身
後夜春江月依然照白蘋

瑯琊臺小松

鞭石爲橋事有無至今輦路小松扶
千年欲伴朱
儒老不作咸陽五大夫

五大夫秦爵

百舌

巧同鸚鵡占金籠猶恐如簧語未工
誰使微禽來

漢殿江充已見犬臺宮

古豔詩戲做數名體

七寶畫團扇一雙香辟邪
春生九華帳夜降五雲
車四角明珠綴千門
辟月斜魂銷三閣曲
玉樹六朝花

秦瑞趾言書堂半山有樹一株三月作花如
繡毬而大花時香聞數里不知其名惜而

咏之

瓊樹何勞問故宮
唐昌觀已化飛蓬
玉龜仙子無消息
開落空山暮雨中

一本作玉樹何勞問故宮唐昌玉蕊亦飛蓬斷冰積雪無人見零落空山暮雨中

蠶尾續詩卷八

六

臨潼道中寄龔節孫

雅益集偶述追錄

送客新豐酒一杯
暮雲回首更徘徊
秋槐驛路蟬聲裏
渭水驪山次第來

丙戌七月一日立秋作

故山無恙已歸休
彈指年光似水流
阜茨樹間方坐夏
紅蘭澤畔忽驚秋
闌風伏雨催搖落
海燕江鴻任去留
久識浮生蕉沫耳
翛然身世一虛舟

蘇圃種竹

曾識三洲圃
西城地更偏
初涼宜種竹
斜日急鳴蟬
忽過碧天雨
爭流幽澗泉
春來聞謝豹
新筍出

林煙

田子益數

上聲

帆亭

香茅結宇枕清冷
午夢初回見遠汀
也似東南秋色好
數帆亭是落帆亭

八月二日即事

楚竹西風作意涼
小池猶有芰荷香
閑看魚計經新雨
不見蟬嘶競夕陽

蔬食

肉食真須鄙園蔬亦復佳
松泉吾不乏芝朮與誰
偕未辨鴟鳩術聊同瑋
瑋齋巡畦剪菘韭草露溼

三十四

齋尾續詩卷八

七

芒屨

和張歷友錦秋湖二絕句

稻未分秧蘆葉齊
官塘夾岸綠蕪低
漁家競下千絲網
謝豹蝦時謝豹啼

紅蓼花時紫蠅肥
白蘋香處綠魚飛
魚龍灣上荷葉去
鵝鴨城邊又繫歸

綠魚羣飛水而語見隋書

中秋陰

昨夕游氛斂明明月上
弦今宵雲霧裏濛濛
暗遙天倏忽情難定
陰晴態屢遷
任渠翻覆手酒罷且

高眠

秋海棠

葉是炎州翠花如人面紅娟娟媚秋露不肯笑春風

再題秋史二十四泉草堂

卜築雙泉側茅堂宛鏡中飛流時作雨亂響不關風遠磬出林杪幽禽啼竹叢翻憐陸鴻漸跬步限江東

茉莉

黃昏上微月膏沐細生香種向花田裏曾聞惱陸

郎

蠶尾續詩卷八

桂

移得小山桂一花今始開無言亦無隱金粟古如來

牽牛

秋曉多風露星河淡欲無雲藍舒小袖錯認是黃

姑

一說織女亦名黃姑

水蒨花

楊柳淡新黃水蒨花十里白雪點紅霞風標兩公子

九日寄懷蕭亭山中

晚序逢重九衰年感歲華那無一尊酒空負滿籬
花白兔仙翁宅青山寶誌家登臨隨處好西望阻
谿嶺

九日聞雁與張歷友司允幔亭弟諸子姪集
石帆亭作

來從高柳北幾日向衡陽祇畏繁縵繳寧云暮稻
梁故人皆屈宋秋意似瀟湘梁苑池猶在誰能賦
擅塲

用韻荅陽羨謝皆人見寄

秋眠池上亭竹暗通人語空吟小謝詩荆谿渺何
處流目送飛鴻歷歷江南去

開雁寄遠

青山與紅樹千里共悲秋復此霜前雁來過池上
樓重雲迷楚塞片月下湘流亦有懷人夢勞君芳

杜洲

謝康樂池上樓
詩飛鴻響遠音

石帆亭菊

園林正搖落菊放楚臣家色偶蒙金紫名非鬪麗
華禪心通般若老境悟空花復有楓香樹留人到
日斜

九月二十二日早起懷陳石阡子文

夜入夢時
容過菊

曉凭危闌曲西風送薄寒鴻聲雲外去楓葉雨中
看以我懷人夢知君行路難昆明天萬里直北望
長安

看石帆楓葉憶吳楚舊遊

太子驛前烏柏紅二喬宅畔盡丹楓春風先到黃
梅縣一路寒山雪意中

九月二十七日同歷友仔臣司允石帆亭即

事

秋風秋雨日冥冥與客登臨酒半醒華子岡頭看
楓葉寒鴉飛過石帆亭

羅尾續詩卷八

十

金陵青溪上有張麗華小祠不知何代所建
今尚有遺址存焉偶賦二絕句以補秦淮

雜詩之闕

蟬月依然瓊樹枯玉容猶似憶黃奴過江青蓋無
消息寂寞青溪伴小姑

景陽宮井已銷沈遺廟荒涼碧蘚侵唯有青溪鳴

咽水千年猶自怨韓擒

唐修隋史書韓擒虎
皆曰韓擒唐廟詩也

石丈姪同兆笏從孫游西山歸問之以詩

爾向西山去山山秋葉紅人煙明綠嶂曉色霽丹
楓單複峰皆好陰晴態不窮歸來看盤礴丘壑滿

曾中

石丈
王畫

石帆亭見落葉

憶昨登臨共落暉
小山薜荔亂紅圍
園林三日無行跡
蕭瑟滿亭風葉飛

鮫人館

在明湖上

湖上鮫人館
鮫綃展素秋
窺簾雙白鳥
照水幾紅鷗
北渚木葉下
南山空翠流
幽懷惜清夜
更艤采菱舟

回首

回首浮雲過
勞生合四休
漢中一雞肋
關內幾羊

蠶尾續詩卷八

十一

頭齒冷蕭朱
態機忘鹿豕
游百年飽經歷
無懈有

監州

燕

年年逢社日
兩度記春秋
物候關榮落
人心感去留
風簾驚晝夢
飛絮語新愁
欲別紅樓暝
呢喃卒未休

雁

每驚霜信至
新雁一行過
遙憶楓林外
洞庭秋始波
涼風送砧杵
哀喚動星河
十二樓中月
湘靈幽怨多

殷彥來客閩屢致書問兼手鈔林子羽集相
寄報謝二首

梨嶺連楓嶺經秋少雁臣故人惠思我白首尚如
新荔子垂將夏茶香焙過春如何千里夢夜夜遶
甌閩

當年林膳部詩格似滄浪念我吟成癖勞君細作
行幾牀斑管麗一墮白藤香珍重貽金錯瓊瑤意
敢忘

陳後主賁天台智者有
中藤織一墮蓋六朝語

愛妾換馬倣玉臺體

螺黛承恩久龍煤汎駕殊一朝移舊寵千里換名
駒懷風栽苜蓿落日采薜蘿倘遇長楸道毋勞問
故夫

懷南岳楚公

扶筇南岳去鴉納一架淩本已離階級何憂路阻
遐赤松澗中米青豆舍前花盞飯空巖裏人天借
齒牙

趙松雪畫戴安道破琴圖四首

蓬戶朱門浪許同王門詎屑作伶工畫圖髣髴高
風在紅樹青山是剡中

剡水清流百里迴千巖萬壑亦悠哉何如更寫扁

舟興夜雪山陰訪戴來

兩世清風賦考槃竹林還作剡中看廣陵止息新
聲好也為衡陽一再彈

安道子顯隱京口黃鶴山竹
林寺常為衡陽王義季鼓琴

氣奪曹瞞四座驚岑牟單絞笑狂生當筵快作漁
陽摻鼓史何曾辱正平

蜀中劍州西郭有鄧艾廟昔欲題一詩告土
人而未遑追補之

申屠曾毀曹瞞廟常侍高還焚董卓祠劍閣至今
思伯約蜀巫翻賽棘陽兒

王燕及送石花魚二絕句

蠶尾續詩卷八

十三

紫塞風煙萬里餘錦鱗忽枉數行書金壘玉鱠江
東美不及黃河有味魚

味魚兒
杜詩

十年不見劉光祿無復宣州致貢毛忽見金盤飛
素雪却思春網薦琴高

光祿劉卿子
端履送琴魚

劉世其贈琉球畫扇

鎔金裁素出天東略寫秋花及草蟲幸不江神肆

豪奪一帆安穩過蛟宮

江神用山
谷書扇事

讀正統北狩事蹟感賦二首

統幕悲笳合黃沙捲塞雲一椎勝朱亥獨有樊將

軍將軍樊忠粹殺
王振旋赴敵死

猿鶴須臾化沙蟲益可傷歸來思舊閣小像刻沉

香

英宗復辟劄王振
像祠之曰旌忠

石帆曉興

曉日修篁徑微涼魚藻池瓣香清閱畫五字右丞
詩山鳥梳翎語林花裛露滋銅瓶晨汲罷春茗辨
槍旗

十一月二十九夜大雪曉起東歷友司允

昨夜西齋宿蕭蕭雪氣深歲寒憶松竹拂曉過園
林梁苑有高會惠連多賦心此時懷二妙擊鉢競
清吟

三五九

蠶尾續詩卷八

西

雪後歷友司允諸同人小集西堂

長松帶叢竹門巷雪中開貝葉溫經罷麴牀出定
回青雲殘客散白社故人來品字柴頭火寒宵復
此杯

十二月十六日復大雪飲石帆亭

霏霏殘臘雪三度下柴門孤閣林端望寒煙竹外
昏歸樵微有徑凍雀不聞喧且撥通紅火田家共

瓦盆

披詩地爐旋撥通紅
火卧聽蕭蕭雪打曉

雪中寄歷友司允時二子將歸里

密霰生曉寒迅颺驚暮節已嗟芳歲闌况聞故人

別池北咏楓林西堂賦松雪他日會相思誰共陶
嘉月

戲荅李質君中丞殷彥來太學索朱竹杖

聞道閩南有朱竹色如勾漏洞中砂何時伴我紅
藤杖拄上峰頭看落霞

題幔亭弟松泉圖

石溜何泠泠谿風吹不絕囊琴且罷彈愛此松間
月

斑竹

移得湘江斑竹枝青光紫暈照盆池小牕一夜風

子六曲

蟹尾續詩卷八

十五

吹雨疑有湘娥簾外悲

杜詩昨夜舟次滅湘娥簾外
悲百靈未敢散風破寒江遲

黃楊

太息黃楊樹由來厄閨年那知歷冰雪相對益媿
媚翠竹元同操青松欲比堅羞他漢宮柳三起復
三眠

題歷友新詩卷後

時世新妝舞七盤菱歌一曲萬人看誰知絕代嬋
娟子翠袖牽蘿倚暮寒

趙君書來求東籬詩雪後賦荅

北風一夜寒雪霰及牛目朝來掩關卧凍雪封松

竹何來越人書遠從剡溪曲高風激顏波遙挹柴
桑躅昔我游廬山曾過玉京宿蓮社不可見隨僧
啜茗粥小別二十年蹉跎負匡續忽見東籬人更
憶東籬菊對雪一清吟蕭寥滿空谷

聞門人劉侍御聖塗之訃

賢修

越王樓畔別回首十經年何意乘驄使俄驚賦鵬
篇涪江通白帝劍閣上青天倚杖春寒裏風林響
杜鵑

丁亥立春後門人胡庶子京蒙遠過感賦

前年寒雨送將歸岐路相看淚滿衣鄉思忽隨黃

三三九

蠶尾續詩卷八

去

鵠舉東來却背楚鴻飛香風七澤吹蘭杜積雪三
冬老蕨薇暫喜春盤共今夕青雲回首故人稀

寄題臨江楊先生祠

蕭江襟帶古祠堂祠外山高一水長夜靜魚龍尚
悲嘯歲寒松柏自青蒼綸巾諸葛真名士楚些三
閭弔國殤秋菊春蘭竟終古雲車風馬日飛揚

送夏寵章之忻州

路出行山第五陁關門西去亂峰青繫舟山畔停
車處爲問元家野史亭

河樓聽彈箏

追錄順治乙未舊作

煙柳似宮眉樓痕鬢碧漪秦箏方歷亂趙舞亦參
差上客酒初罷小絃聲漸悲此音難再聽况復在
天涯

贈梁玉立先生

追錄戊
午舊作

曾陪清嘯庾公樓也侍圍碁謝傳游曳履早聞天
北極乘槎真歷日南州更登三省須黃閣徧領諸
曹尚黑頭喬木風煙無限好太行雲氣接雕丘

初春三日與胡宮庶過石帆亭眺殘雪

風光近人日池館閉春寒猶有梁園雪還携郢客
看早梅香漸吐修竹映將殘別後相思夢無忘楚

澤蘭

蠶尾續詩卷八

七

新春喜晴

人日緒風輕遙連穀日晴春光一駘蕩梅柳漸分
明南畝土膏動小池泉脉生田家飯黃犢戴勝欲
催耕

送別胡京蒙宮庶

羨汝南陔去高堂問起居歸心洞庭雁鄉味武昌
魚暮雪龍山驛春風錦帶書吾衰重惜別佇立野
踟躕

趙千里桃源圖

輕舟入峽口路暗桃花林花落無人處青溪深復
深人家芳草岸雞犬白雲心一閉仙源後雲峰自
古今

帶經堂集卷六十二

五十九

蠶屋續詩卷八

大

帶經堂集卷六十三

歛門人程哲校編

新城王士禎貽上

蠶尾續詩九 後集上

一百脉泉

山中百脉泉流為繡江水素沙映文石粲若擣蒲

齒

冶泉

酈子憑襟地人傳歐冶泉時時泉作雨處處竹抽

鞭

魚子水

子本
蠶尾續詩卷九

仲子逃名處猶存魚子溝清泠一勺水不改是方

流

豐水

上有翡翠巢下有滄浪水十里盡修篁灘聲綠陰

裏

嘯園

蕭然風滿樓山雨亦隨到一夜聽風篁何似蘇門

嘯

柿巖

雨過返照明飛泉白雲裏直下穿房攏几榻皆秋

水

歷下亭

我聞杜老詩海右此亭古十頃玻璃風鵲華亂煙
雨

灣頭

一條楊柳岸十里白蓮花歷歷漁樵舍飛鷗上釣
查

待月

月上東南隅荷風來習習高懸一桁去聲簾盡放清
光入

一五十二

蠶尾續詩卷九

二

薛孤延

殺癩欲上天奇材亦輻輳壯哉薛孤延乃與雷霆

駢

周盤龍

獨解壽春圍將軍似龍虎勇爵亦風流金釵餉阿
杜

讀漢書

豈少如鈞曲金貂世業偏不知汲長孺何事直如
弦

謝奕

得失一老兵去留何足計主簿與參軍惜哉辱家世

劉毅

雉盧爭一擲百萬判擣蒲忠讓何無忌功歸劉寄奴

桓靈寶

癡絕桓靈寶匆匆注起居枚回罷西幸絕筆遣誰書

謝超宗

三公界河伯齒冷向千秋焉能免寒士不肯賣裘

劉

謝靈運

陶謝風雅宗名不慚烈祖可惜靈運鬚鬪草輸兒女

毛修

鎮蜀傳家世誅桓有大名如何大官令端只爲羊羹

王瞻

齒剛而舌柔舌存齒先去聊可作屏風屈曲蔽風

露

狄仁傑

順治戊子十五歲作遺錄今戊子六十年矣

殿上褫寶裘已奪弄兒氣老狐幕中人乃是公興隸

辟閭允墓

蕪沒金粟碑飄零白銀樹樵牧吟廢丘牛羊下私路

齊乘允墓前有白銀樹四株

扶南曲三首

家傍扶南水時上粵臺遊木綿紅百丈高並五層樓

莫問呼鸞道孤鸞照影稀何如紅翠小映水一雙

飛

二十三

蟹尾續詩卷九

四

君欲嶺北遊贈君楓香履時時看足下慎莫忘鄉

里

足下介子推事鄉里謂妻也樂府還家問鄉里

過滄州

追錄舊作

城
春草千里合春波兩岸生迢迢新柳色碧過州兮

江行圖

江豚方出沒破冢一帆飛好思謝公語如此欲安

歸

盆中水仙

自與雪同色何須梅比香
伯牙琴操裏宜配水仙王

醴泉寺西溪二絕句

千林紅葉多亂此一溪水
葉逝水空明魚苗可憐

紫

唐詩魚鱗可憐紫

石根如蟹罍螯跪五銖
小瑣瑁腹中居何似清流好

蘇圃桃花四首

紅萼初穠碧草芳
息夫人始罷啼妝斜陽脉脉相

看處可是無言媚楚王

武昌桃花夫人廟即之媯也

蠶尾續詩卷九

五

芳姿灼灼雨前開
丹的如霞照玉臺宛在秦淮煙水裏
親迎桃葉渡江來

桃根桃葉不相離
半面同分連理枝若使雪兒當

日見不應偏賦比紅兒

紅白桃花

早春曾上鬱孤臺
幾樹紅桃間綠梅不用花奴催

羯鼓佛桑金粟一時開

贛州桃花正月即放與梅桂佛桑辛夷皆同時予甲子使粵親見之

石帆亭杏花

萬點殷紅散綺霞
幾枝香雪倚籬斜南朝自此誇宮體
第一還應為杏花

小黃山道中

半肩襖被一囊書望裏青山畫不如桃李春風好
時節玳牛徐駕短轅車

洞庭橘枝詞三首

葉木心仿竹枝柳枝詞為橘枝詞
故友汪鈍翁嘗和之因繼有作

當年樂府傳劉白歌罷柳枝歌竹枝昨日洞庭估
船到滿城爭唱橘枝詞

橘花初開君去吳橘黃猶未返姑蘇他鄉何似故
鄉好莫戀江陵千木奴

雁子交飛蘆荻深滿山朱實已懸金陵朝果有西
來信先報家人掃橘林

唐詩家人
掃橘林

為靜山題罌粟花

蠶尾續詩卷九

六

種及明河玉露涼猩紅雪白占春光如何費盡東
風力才飽朱儒粟一囊

拙菴和尚寄菊枕

丁丑為戶部侍
郎時作追錄

手擷中盤菊一囊相思兼枉碧雲章山中故事從
今說曾采金英與侍郎

金銀藤花二首

雨稀不見筍穿棚桐老髮如退院僧慚愧諸天猶
供養香花開徧鶯鶯藤

黃銀樹與青金樹未見虛聞漢苑傍何似金銀花
滿折夜來消受逆風香

壯夫不屑雕蟲技莫問凌雲賦幾篇但解射弓盤
馬稍兜鍪箇箇出貂蟬

寄摩訶峰菴僧

山色獨呈清淨身剎竿天外碧嶙峋雲林一望蒼

茫裏誰識山南大有人

末句用
桓溫語

宿柿巖

巖頭飛瀑灑層松裂石穿雲處處逢一夜潺湲眠
不得起看殘月挂西峰

謝劉太乙翰林以八分手書拙集藏少林寺

二五七

蠶尾續詩卷九

七

二首

白家詩舊傳三本無恙廬山劫火餘別向嵩陽嵐
翠裏勞君親作八分書

語言文字墮前塵不昧從來是淨因今日銷歸轉
輪藏少林得髓更何人

憶秦淮丁家水閣

辛丑住此已
四十八年矣

雁齒紅闌舊板橋清風明月夜相邀誰彈威武南
巡曲聲入秦淮咽暮潮

伍子胥

密室陰謀釀禍基縛諸才進又要離亂吳覆楚平

生事賜劍東門却怨誰

紀葉元禮遺事

門人葉元禮少時從其從兄過平望酒家一女子見而悅之私詢其母曰適與吳江葉九

相公同來者誰耶母曰其弟四郎也女自此遂病且死告父母曰兒因葉郎而病今死矣葉如再經此須一告之如其言元禮入哭之事如唐崔護桃花人面

特不回生耳因為賦詩

阮家未卧酒壚旁
荀令橋南惹恨長
鶯脰湖邊逐
春水化為七十二鴛鴦

蠶豆

才看紫萼亞疎籬
已見明珠佐晚炊
恰是秦樓好
風日羅敷水上浴
蠶時

羅敷谷水在華州

新月

蠶尾續詩卷九

八

紅藕初香枕簟秋
飛來螢火破深幽
半規月上蝦
鬚卷滿地金波如水流

寄門人湯西厓

追錄丁卯年作

十載麻衣洛下塵
殘杯冷炙事酸辛
今朝喜得泥
金信千佛名經第二人

楊柳枝

丙子過灞橋作追錄

金粉初勻柳萬條
樂游原下索春饒
銷魂橋上銷
魂樹不待飛花魂亦銷

憶施愚山侍讀

向溪流即宛溪流
紅蓼青蘋歲歲秋
風景不殊人

事改潺湲長遠謝公樓

憶彭羨門少宰

登山臨水送將歸十二年來悵有違
夢裏不忘分手地碧雲紅樹雁南飛

憶昭陽寓園

邑閩秀和予秋柳詩四篇時正月初秋

當年爲客向昭陽柳宿光中有和章
曲罷峰青人不見依依秋柳遍寒塘

朱砂梅二首

曾傍羅浮葛洪井鮑姑親許乞丹砂
花前一覺游仙夢翠羽啁啾月半斜

三、六二

紅蓮尾續詩卷九

九

北地胭脂好顏色染來漢苑女珊瑚散花天在維
摩室尚憶紅紅記曲無

題文五峰驪山圖

一堂金碧渭川明憶上東西繡嶺行
彷彿曉風殘月裏舊遊如夢是華清

題趙仲穆畫馬二首

朝看杜老丹青引暮見王孫寫渥洼
太僕圉人總惆悵龍眠曾畫滿川花

日費天閑三品料風髭霧鬣寫龍媒
莫嫌老去仰芻秣曾向黃池歎玉來

日出驪山千隊合
霜清函谷一聲啼
橐泉宮畔曾爲客
錯認陳倉碧野雞

題尤悔菴西堂集

西堂才調古無論
綴玉編珠八十春
一束生芻將

不去小萁山下弔才人

杜牧之弔沈下賢詩一夜小萁山下夢水如環佩月如襟

望月有懷

茉莉風清甲夜涼
簾紋如縠月昏黃
桂宮只在星榆裏
無那銀河一水長

鴛鴦

蠶尾續詩卷九

十

閑眠祇傍相思樹
共汎常依並蒂花
不省團沙洞庭雁
爲誰辛苦向天涯

西瓜

斜風細雨今年少
病渴難消七椀茶
多謝南皮魏公子
遣來西苑綠沈瓜

銅雀妓二首

氣盡奸雄亦可憐
却將遺令誤嬋娟
已留疑冢欺千古
何處西陵有墓田

賣履分香技亦窮
九原誰復論英雄
望陵歌舞朝來歇
已見凌雲起洛中

白蓮

鷓鴣隊隊宿晴沙
荷葉田田一道斜
莫被竊香比丘見
半池初放白蓮花

說餅

汲來金井調湯餅
蟬翼輕盈素月光
舉世大官矜左氏
何休聊復癖公羊

金魚

一水空明尾鬣斜
迴環島嶼即天涯
已憐紅白紛相映
風過綳桃又落花

書唐鑑後三首

蠡尾續詩卷九

十一

得寶新歌引舳艫
牙盤百面錦流蘇
望春樓下寒潭水
不見當年孑孓于

都護安西暨百蠻
一朝天險失潼關
李筌枉作陰符注
不解南陽殺祿山

太原功業繼淮西
昭義軍書罷刺閨
誰使武皇功不竟
可憐太白紫花梨

錦邊蓮

翹驚眠鷗不易雙
素姿流影葉幢幢
越溪白苧如霜雪
誰付西川濯錦江

閩上觀荷

居士祠前香細細金剛堰上雨紛紛祇疑阿耨池
邊水盡現蓮華樓閣雲

今歲白蓮甚盛再賦此詩

夕陽樓下鴈團沙菡萏風香一水涯今日魯陂雪
千頃不須更憶管城花

鄭州僕射陂白蓮甚多子丙子過之有詩云他年履道宅應憶管城花鄭古管城也

再咏白蓮

銀塘兩岸夜明苔新月光中玉管催雪苧翻翻鶴
翎散凌波真見洛川來

來禽

玉井垂垂見幾株比將青李價全殊道芽聖果皆

三三九十二

笠屨續詩卷九

三

難昧識得王家梵志無

蘋果

丹霞爲的玉爲顏不與粗梨橘柚班只有楓亭紅

荔子漢宮相妬尹邢間

書元人楊奐詩後

一代清流盡喪亡紇干凍雀可憐傷温公書法憑
誰問又說河東欲寇梁

通鑑于莊宗伐偽梁亦書廢綱目世史正綱始改曰伐

咏古四首

朝朝浪打三山曲日日江鳴牛渚磯終古餘霞猶

散綺無人更繼謝玄暉

震

西江汎月風流遠賈舶吟詩格韻清更愛他年好
賓主謝公春渚餞袁宏

月

尚書歸老向南苕有客扁舟慰寂寥旋抱乳羊來

換酒峴山風雨夜瀟瀟

雨

兩板柴門雪徑無洛陽車騎凍眉鬢賞心亭上江
山好映帶袁安卧雪圖

雪

寄荅張弘遠

時為興國令

玉堂十載宦情微况是虔南少雁飛寄語江東步
兵道鱸魚雖好莫思歸

寄陳南安子文二首

二〇七十五

管蠶尾續詩卷九

三

莫謂西江道路難虔州才過即南安鐵橋洱海題
都遍穩過驚濤十八灘

潺湲橫浦關前水長遶當年鐵漢樓刺史題名須
到此溪山清帶古風流

灣頭

內湖外湖黃蘆洲蘆洲盡處是灣頭鳴禽吠蛤喧

風柳細雨歸來水牯牛

水牯牛南泉禪師語

雞冠花

亦名後庭花

三閣塵埋玉樹空後庭名字借西風終慚小草雞

冠紫不及滇茶鶴頂紅

七月雨中即事

古木修篁滿四鄰
秋光寂寂照簾茵
晚涼共坐池塘雨
聽撒胡荽又一巡

種胡荽者作諧謔語則茂宋時諸館職公事畢則云請撒胡荽一巡

石帆亭消夏

池亭五月瀟湘色
暫是羲皇以上人
喚作唐裝君信否
紫蕉衫映白綸巾

題二十一姪菜花居

斐几匡牀靜不譁
一爐拍子一甌茶
主人不愛穠桃李
蝶影蜂聲滿菜花

代人閨意

花映重簾雨映門
雖然小別亦銷魂
冰蠶織被寒蛩褥
炷盡沈香火不温

三五七

蠶屋續詩卷九

十四

憶蝶

小齋一歲無花蝶亦不至作此

金粉三春欲見難
秋花不雨亦摧殘
漆園夢斷無消息
祇向滕王畫裏看

秋海棠

膽餅昨夜落冰荷
又見嬌姿映綺羅
莫向吳宮求獺髓
午痕紅處泥人多

愛妾換馬

五花顧影愛權奇
肯惜成都十樣眉
聞說瑤池三

萬里請君休聽路旁兒

題張杞園杞城別墅圖四首

淳于故國幾千秋中有東陽八詠樓春水綠波春

草碧古城依舊帶雙流

汶漣
二水

杞來州去幾興亡只有雲山滿夕陽何似青青書

帶草至今人識鄭公鄉

州國名見
春秋傳

曾下瞿唐灑潁關巴巫千里沂潺湲老來蠟屐渾

拋却祇向圖中看峽山

峽山在杞
城東南

楚江巫峽半雲雨清簾疎簾看弈碁試上峽雲樓

上望天然小簇杜陵詩

二三五

蠶尾續詩卷九

十五

魯先生祠

六王畢後竟何如旋錮三泉葬鮑魚玉貌亭亭照

東海狄城秋水魯連居

佛手柑

西來大意無多子只向拈花一笑尋應為衆生勞

接引兜羅綿手臂黃金

香櫞

不須迷迭與都梁不羨名花號麝囊屏當畫衣收

蓋篋荀家三日坐猶香

蓋紅草也元微之詩顧我
無衣搜蓋篋俗本說畫非

送張杞園待詔之廣陵

回首紅橋事可憐春波如縠草如煙送君似歷華
嚴劫小別揚州四十年

茱萸灣上夕陽樓夢裏時時訪舊遊少日題詩無

恙否綠楊城郭是揚州

宋七字予在淮南舊句也

榴枕

枕借塗林又一奇櫻桃夢覺悟晨炊續成子布枲
榴賦好與孫郎帳下兒

伏生祠

祖龍枉以吏爲師牽犬東門笑相斯轉盼阿房化
焦土千秋人拜伏生祠

三十一

蠶尾續詩卷九

六

寄宋牧仲太宰二首

履聲昨日下午楓宸祖帳東門 寵命新馳道預開
金埒待驚傳天上降騏驎

修竹梁園未寂寥鄒枚賓客日招邀平生愛咏滄
浪水何似西陂海雁橋

牧老梅吳日重修蘇子美滄浪亭著滄浪小志

飼鴿

百摺爐熏宿火紅碧桐初日轉簾櫳忘機豈獨馴
鷗鳥怖鴿紛來食掌中

再題罌粟花

錦官驛路指褒斜處處川紅散綺霞惟有簡州雍

刺史馬頭喜見米囊花

夏侯少府墓

當年高議重西京
墓草萋萋傍古城
慚負先生惟一事
不明經術早歸耕

田橫客墓

已下三首丙子舊作追錄二墓俱在洛陽

一劍縱橫百戰身
楚雖三戶竟亡秦
拔山力盡虞兮死
爭及田橫五百人

王濬墓二首

麒麟高冢鬱相望
十里松聲近北邙
荊棘銅駝俱一夢
殘碑猶識晉龍驤

三五十五

晉書續詩卷九

七

木枿飄江鐵鎖焚
降旗高拂石城雲
角巾東第歸何晚
功大終慚范護軍

和西樵兄寄李尚書四首

乙巳廣陵舊作追錄

司勳一首懊儂詩
憶共尚書夜讌時
萬種風懷銷未盡
忍辭駱馬遣楊枝

促疊蠻鼉漏滴壺
紅鞞十隊舞穉毬
狂奴閱盡南朝豔
不抵樓東一斛珠

琵琶舊譜幾人傳
虛住揚州過五年
略似江潭話天寶
梨園弟子散如煙

尚書蜀訪古琵琶譜未有以報也

曾見仙人種白榆
女牀書到宴清都
不因妄憶麻

姑爪王遠仙鞭易得無

明水

一帶青峰罨畫長人家住傍藕花塘亭山城外皆
秋水半是荷香半稻香

趙北口竹枝

順治乙未舊作
追錄十首之一

湖光如鏡雨如酥柳色迢迢入大沽亭午銀魚風
漸急一帆春水到蠡吾

潞山灤竹枝三首

九龍直下一珠懸湖北湖南水拍天昨日雨過秋

漲滿荷花開到馬蹄前

湖上山九峰相次名九
龍北有小山曰珠山

三十八

蠶尾續詩卷九

十八

湖中晴日好揚舠欸乃聲中雜醉醒蓮唱漁歌晚
歸去水禽飛上墨王亭

湖邊春岫似蛾眉過雨陂塘杜若滋西望嬋媛看
不盡麻姑山店女郎祠

東方大中祠三首

陵縣

據地狂歌舊有名誰從諫獵識先生東風欲采香
蘋薦野水穠花厭次城

庖人置酒亦奚為千載令人笑解頤辟戟一言罷
宣室交門別引賣珠兒

編貝懸珠九尺身借車聊爾傲平津同時亦有淮

陽守浪比詼嘲郭舍人

十月二十日微雪獨飲

西堂松老雪鱗皴戲蝶飛花遠
趨人不用索郎和
九醞故人昨送漾陂春

感宣和遺事有作

宣仁鸞馭上青冥社飯明年一涕零
欲問宮中天
水碧都人惟說太師青

秋冬之際作

河邊衰柳一蟬鳴不覺冰霜取次成
只道朱門少
涼冷難拋葵扇與桃笙

蠶尾續詩卷九

十九

即事索姪磊畫

紫竹林中水滿塘鵝兒得意弄輕黃
襪材賸有鵝
溪絹合付邊鸞與趙昌

書宋劉跛子傳後

不從勾漏覓丹砂不藉颺輪轉法華
祇愛青州劉
跛子一年一看雒陽花

蜂蝶蕭疎春日斜雒陽花事委泥沙
野人久狎東
籬菊不愛鋪堂富貴花

答方山送酒二首

白家烏帽重屏裏初試紅泥小火爐
恰是陵州酒

船到不愁風雪壓屠麻
酒車冒雪遠衝泥尺素殷勤謝客題一樹山茶紅
破藥花前催進玉東西

九月杪池上作

秋雨連宵響菊叢石帆亭畔小池東正衙無夢頌
新曆六見池邊楓葉紅

須曆例以十月朔

呂紀梅花雙鶴

嫩寒春曉遊人少繫艇孤山籬落閒想見西湖林
處士妻梅子鶴一生閑

殷彥來三圖三首

蠶尾續詩卷九

三

一日看山到武夷丹青閣上舊題詩吳鹽似雪金

盤裏又飽楓亭綠荔芝

榕陰傲荔

煎茶水記首中冷藤笈曾攜陸羽經歷下名泉餘

七十惜君不到繡江亭

泉觀

漁舸繫着依依柳菱葉衝開汎汎鳧喚起吳興趙

承旨爲君題作水村圖

柳堤書堂

題門人程聖趾哲蓉槎菊舫二圖

當年風雪過柴桑不見東籬九日香輸與扁舟五

湖客菊花開處即重陽

丹楓烏柏亂明霞澹澹星河渺渺槎欲借借忠州才

子筆爲君重詠木蓮花

黃研旅二圖三首

戍樓吹角度榆關回首孤城海氣環下馬戰場須

痛飲朔雲飛雪十三山

塞出

曾詢衣鉢問南華身到曹溪六祖家今日畫圖猶

省識越王修竹佛桑花

荔子初紅江水長鷓鴣啼處到蠻鄉嶺南耆舊凋

零盡誰與斑駁送陸郎

嶺通

題門人程友聲鳴寒梅霽雪圖

江城雪霽梅花發却月凌風見幾枝記得春寒吳

苑路蟠螭山下卸帆時

蠶尾續詩卷九

主

汪文治荷鋤圖

曾向歐陽受尚書生涯常憶帶經餘披圖却愛林

和靖五字春陰入荷鋤

春陰入荷鋤林逋句也

汪于鼎文治兄弟杏花春雨樓圖

老來白業寄名藍宮體齊梁久不耽惟有故人千

里夢杏花春雨在江南

題唐韓君平詩後

寒食東風散蠟時姓名早被九重知如何白首依

戎幕剛遣兒童笑惡詩

帶經堂集卷六十三

十七

蠶尾續詩卷九

三



帶經堂集卷六十三

帶經堂集卷六十四

歙門人程哲校編

新城王士禛貽上

蠶尾續詩十 後集下

讀南史

官爵從來奉董秦
移牀何必紀僧真
不知此事由江謝
空向官家乞士人

攤飯

攤飯閑行擁鼻吟
眼中何物許知音
好將三尺撻蒲錦
囊取風松百衲琴

門人石福州寄鄭宅茶

二五十四

蠶尾續詩卷十

一

囊盛箬裹手封題
石鼎松風日又西
安得長河變酥酪
與君一試大刀圭

題謝四溟集

雪下梁園置酒時
醉圍紅袖寫烏絲
中山孺子邯鄲伎
風俗猶傳舊竹枝

沈初明

茂陵玉椀弔斜暉
萬里家山建業歸
去臺城改朝市
梁家宮殿濕螢飛

送僧之金陵

杖笠飄然又白門
百城煙水歷朝昏
祖堂寺裏生

春草萬古難遮佛字痕

冒辟疆洗鉢池即事

追錄乙巳年作

歌吹凌波去復回輕冰和雪一時閒誰從火樹銀
花裏更憶霓裳散序來

吳十九流霞盞勸酒贈友人

吳叟流霞色最竒酌君茗芋不須辭哥窰汝定休
輕比中有宣城五字詩

洛神扇頭

蕉萃姬姜事已殊神霄結恨向歸塗故將蘭葉描
衣帶縹緲凌波恰半銖

三丁字

蠶尾續詩卷十

二

甯戚城

丘章

甯戚城邊春草多南山白石高峨峨鯉魚尺半出
江水誰憶當年扣角歌

丁香木筆牀

結蕊曾同豆蔻胎蟠根猶倚硯山隈願同海底珊
瑚樹特與徐陵架筆來

題馮女郎畫蘭

丐得騷人筆下妍玉池清照影嬾娟一從弱質辭
空谷冶葉倡條盡可憐

郎中泊懷張仲子

煙水逃名羨子皮蓮塘交葉樹交枝不知今日郎
中泊何似當年僕射陂

門人周策銘翰林寄袁海叟集書後

鼎足高陽爾不慙百年遺蹟改名藍烏衣王謝都
零落七字風流白燕菴

腐乳

黃羊紫蟹解傷脾濁酒年來亦懶持才喜紅蓮香
稻熟黎祁又著淡胭脂

陳萊州遺黃雀鮓

東來似競鬻帆前舶趁風清五月天坐使虞棕食

三〇四三

蠶尾續詩卷十

三

單富維亭黃雀壘金綿

橄欖

曾愛魏徵常嫵媚譬渠諫果號餘甘東坡豈合時
宜者却恨不如崖密甜

都下口號

追錄

麈尾紅羊滿玉盤萊雞紫蟹等閑看何如隨分閑
茶飯春韭秋菘未是難

漁父詞二首

沙棠爲舟木蘭柂斜風細雨不辭開花時淡墨鱗
三斗換取鴟夷滿載來

綠芡紅菱載滿船
梅蝦過後鱖魚鮮
兒童編竹門前水也學
南人架薤田

薤音獲

被陽城

邑西北十八里青沙湖上漢封齊孝王子燕於此

陵谷銷沈古被陽
青沙湖畔水蒼蒼
鳧翁汎汎雞頭長
零亂漁罾挂女牆

棣州韭黃

吳客春來三熟稻
雍州寄到一奩酥
冰厨更芼黃芽韭
千里萁羹得似無

題射虎圖

將軍百戰未封侯
射虎南山草木秋
雪壓層廡展

三七十三

蠶尾續詩卷十

四

圖畫一天風色偃貂裘

贈故相國家舊歌伎

義甲哀彈雲不流
筵前一曲古涼州
眼看東海裁黃竹
誰記當年菊部頭

溜水

一名龍女水又名帝帶水○追錄少作

龍女波寒夕照餘
微風帚帶響瓊琚
洞庭社橘凋零盡
誰寄秦川柳毅書

溜水巖先生釣臺

大澤羊裘狎隱淪
釣臺片石尚嶙峋
客星一去桐江水
終古高名屬富春

馮文敏治源憑襟亭

萬竹陰中置一亭四圍碧玉響清泠我來想見憑
襟日紗帽垂簾注水經

鄴道元
遊處

高侍郎載酒堂

隰子依然繫柳陰迴塘新綠一篙深風流不見嵇
中散寥落平生舊竹林

唐太史畫餘亭

畫餘亭畔青桐樹接葉交柯古竹園賓客不來苔
滿徑竹雞啼處又黃昏

孫相國泚亭

蠶尾續詩卷十

五

日日清齋對玉耶閑園亦在梵王家桃花開徧瀧
溪水不遣紅芳點袈裟

唐志子羣玉詩紅芳點袈裟
袈裟去聲○瀧水亦名瀧水

趙按察清音閣

偶攜犀簾一登樓黃雀風來夏亦秋何處灘聲驚
午夢清音閣外即雙流

籠范二泉
合流處

張少保秋碧亭

秋碧亭前柳萬條一池春水鴨媒驕我來欲問忘
憂館枚叔風流久寂寥

張少保魚子亭

夫于亭下涓涓水五里環流魚子亭翠竹碧梧今

不見黃山一抹向人青

張少保岸上舟

鴉舅初紅白露秋門前
罨畫一溪流丹霞晚映青
山郭知是張融岸上舟

張少保兔柴

一拳負郭小孱顏白兔仙人去不還
試上西佳樓
閑拄笏畫屏無數好溪山

張少保拳湖

紅橋碧浪映菰蒲觴詠當年似白蘇
麥秀漸漸煙
樹裏行人說是舊拳湖

三十四

晉書續詩卷十

六

焦中丞余青園

面面竦筵霽景昏女郎山翠落尊瓦官寺外青
溪路憶醉中山萬竹園
金陵徐中山萬竹園頗與此園相似

李工部海燕樓

風雪瀟瀟石徑幽萬竿修竹蔭銅溝
夢魂長到憑闌處
一樹梅花海燕樓

鮑憲副南園

大雷岸上竹離離俊逸亭中鮑照詩
想見籀龍初
奮螯春風著意作之而

趙氏澗園

百和花香三徑雨雙谿竹響一灘風偶來倚杖紅
橋立幾曲清流似剡中

獼溪新柳

楚王宮畔柳千條競倚東風舞細腰何似獼溪春
樹好鴨頭新綠水平橋

不寐枕上作

淡淡銀河星漸稀銅壺閣上漏聲微撥殘丁緩爐
中火愁聽西鳥一夜飛

樂府有西鳥夜飛

冰魚

伊魴洛鯉牛羊貴爭及冰魚玉雪姿閱盡溫涼渾

三十九

蠶尾續詩卷十

七

不改年年相見歲寒時

歷下銀絲鮓

金盤錯落雪花飛細縷銀絲妙入微欲析朝醒香
滿席虞家鯖鮓尚方稀

安德羅酒

玉井蓮花作酒材露珠盈斛發新醅清冷錯認康
王水風韻還宜叔夜杯

蝦醬

香稻惟宜鄭宅茶清流挑菜煮黃芽東堂不乞殘
鵝炙自擣廉薑謝豹蝦

石芥

腸飢不乞胡奴米，酒渴欣聞石介名。
一啜冰壺勝薑桂，徂徠風味逼人清。

放翁詩昔人重喚陽城驛，我輩欣聞石介名。

普洱茶

攤飯澆書白晝眠，一杯苦茗侍兒煎。
銅瓶不汲中

冷水，水遞還思古辣泉。

古辣泉名在粵西

蟹醬

外骨何須詫兩鉗，寄同蚶醬味能兼。
稻黃蘆白秋風岸，夜火沙頭候蟹簾。

聞張相國敦復之訃二首

靈尾續詩卷十

八

才入黃扉便拂衣，急流勇退似君稀。
賜金園枕雙谿水，乞得餘年坐釣磯。

九帶初聞早息機，袞衣應換芟荷衣。
龍眠歲歲梅花發，孔雀東南何處飛。

浮山遠作九帶，余送還山詩及之。乙丑歸自粵東，曾遺孔雀一

門人彭直上宮諭寄湖筆

遠將彩筆寄文通，麝尾狸毫未擬工。
自笑年衰才已盡，明牕虛負管城公。

大獵圖三首

風高弓勁馬初肥，千帳傳呼大合圍。
新試鷗窠鷹背犬，草頭一點疾如飛。

天籠朔野似穹廬雪下西樓草木枯旋割黃羊醉
捫酪滾塵驕馬亂平蕪

紅妝小隊驀山來霹靂鳴弓月樣開一笑雲中飛
鳥落蠕蠕公主按鵬迴

橘

紅頰芳梨色最妍蘋婆香味徹中邊洞庭朱實南
船到擬學湘人置橘田

鏡餅

毫都柿勝紫花梅玉雪中含虎魄胎肺病欲蘇還
悵望姚黃歐碧不同來

鏡餅與五色牡丹皆出曹縣

三十三

蠶尾續詩卷十

九

畢繡裔送園柑

開奩香霧暎眉鬢想見園林綴火珠欲向湘東借
斑管荊州無復庾肩吾

蔓菁

為愛西川諸葛菜小園連畛種蕪菁掘將帶露和
根煮也似東坡玉糝羹

黃芽菜

何須日費大官羊安肅冬菘溢甌香五載歸田飽
鄉味不曾孤負菜根堂

陳萊州魏歲賦謝四首

褐錦為苞玉作胎筠籠珍重手親開預思上番去聲

吹成竹寒食東風社燕來冬筵

曾聞滇粵異青紅風壤雖殊臭味同與世乖厓寧

作我不妨改喚筆頭公櫟

珍比江瑶點鱗胥紫芽薑映雪肌膚五侯鯖好偏

憐汝從此齊名莽大夫鮮鯪魚

如聞海月似搔頭更問西施舌在不縱與江瑶比

風味梧宮秋氣不堪愁西施舌

追賦神女樓真定趙武靈王夢與神女遇令羣臣賦之其辭不傳

神女樓高雁塞孤照眉池涸半寒蕪邯鄲賓客皆

能賦誰似朝雲楚大夫蠶尾續詩卷十

題王敦傳後十

夢日城邊野草秋玩鞭亭下小淹留却思江左顛

危日元子當年亦粉侯

憶舊遊

始皇陵上飛金鴈毛女峰頭失玉羊兩度遊秦更

遺憾杖藜不到輞川莊

荔支酒

紅透蟬紗裹玉膚釀成香味勝芙蓉西川驛騎傳

天寶枉使宮中損左車

貼梗海棠

點點胭脂衰露叢重重闌檻護春風朝來潑火清
明雨洗出韶州新退紅唐時有退紅色謂淺紅也

隱囊

巧製斑絲作隱囊風流猶自見齊梁小齋不似臨
春閣搯膝閑消篆字香

麈尾

風流常憶蕭思話揮麈彈琴松石間寂寂空齋閑
挂壁經旬無語對寒山

鮮荔支

南越曾聞置堠過鮫魚相共犯鯨波西川新貢蒲
桃錦漢殿傳書賜尉佗

聞黃崑圃侍讀述

詔旨取故靈璧知縣臣馬驢所著緯史刻版入

內府始末感賦

當年經史自箋疏豈有藜光照石渠寂寞文園三
十載所忠今見訪遺書

鮑德輿送新橘

紅蘭碧杜皆芳草橘誦紛紛獨擅名和葉折來香
巽手楚天風味可憐生

遙送門人梁元肅僉事之建昌二首

帶雨晚雲歸越舊浮花春水下瞿唐西行莫道岷
峨遠更渡蜻蛉萬里長

十載兵銷打箭爐碉樓千里戍煙孤不妨車騎臨
邛去鬢影春風問酒壚

讀東坡無咎陌上花有感題後二首

臨安陌上又花飛目斷江潮去不歸歌罷玉樓情
脉脉鄧州春草怨芳菲

汴中朱邸納降王錦樹依然別故鄉差勝潺潺簾
外雨落花流水怨南唐

三十一

蠶尾續詩卷十

三

畫玉茗花

淺爲玉茗深都勝大是山茶小海紅應爲臨川聲
價重淡勻顏色倚東風

題海日堂集後

一哭幽宮二十年昔遊如夢轉茫然珊瑚洲上吟
魂在歲歲松風響杜鵑

荊州

壬子遊
詩追錄

新市平林小劫過湘東王氣久銷磨落帆十里詢
沙市何處琵琶飯甑多

雪中作

巳丑正月
廿六日

飛花落絮滿中庭
卯酒才兼午夢醒
安得南唐最
高手青氊烏帽寫重屏

讀史

曹馬姦雄貉一羣
六朝狐媚日紛紛
老夫見慣渾
閑事只似山公九錫文

袁陽源有戲為
山公九錫文

乞竹

巳丑二月
廿六日

乍消春雪清明過
更乞修篁繞屋栽
早起呼兒具
冠幘衡門遙待此君來

柳

歲歲春風變柳條
今年寒食雪蕭蕭
被除猶記蕪

蠶尾續詩卷十

十三

城路五載紅闌綠浪橋

題高中丞畫衣記後

高中丞諱名衡字平仲崇禎辛未進士觀政京師製羅衣寄以自畫花卉

其上凡二十六種作三十二叢花葉隙處題詩凡八首張杞圍待詔作記高以御史按河南有保汴城之功陞巡撫告歸夫婦同殉沂水

之難
甚烈

幾幅冰綃貌折枝
淡勻麝墨與燕支
笑他拊馬張
京兆玉鏡牕前祇畫眉

廣陵懷古

順治辛丑
舊作追錄

莫向青溪弔麗華
秋螢還照玉鈎斜
誰言阜莢相
料理纔落楊花又李花

食鰯魚

巳丑
三月

巨鈎餌糖骨專車豪氣年來盡破除欲伴中山干
日醉不妨游戲食飛魚

休夏戲作仄韻詩

與我周旋寧作我休夏閉門計非左綠陰黃鳥北
牕涼容我解衣槃礴羸

程友聲畫余綠楊城郭是揚州舊句相寄賦

答二首

於菟兒涉小字昨日雪中歸把卷開爐擁衲衣五十年來
賓客盡綠楊城郭尚依稀

雨牕漱墨寫邗溝遠郭依然碧玉流寄語紅橋諸

三十八四

蠶尾續詩卷十

十四

士女老夫雖在雪盈頭

友聲再寫夫于亭圖報謝并乞寫詩亭逸老

圖二首

兩幅南宗筆墨殊雲風重為寫夫于胸中丘壑君
何限更乞詩亭第一圖

漁洋蠶尾山皆遠只有夫于照戶青老去菟裘凡
幾處鳧山荷澤古詩亭

古詩國詩亭在公濟寧
境內見班書地理志

彥來寄銀鍼茶

烏帽重屏試武夷銀鍼名好幾人知紅囊寄我情
何極正是風篁雪下時

附古近體詩

藐姑射之山

神人之所居間在姑射山乘雲御飛龍遊戲六合
間綽約若處子長有冰雪顏安得緱山鶴與之相
往還

建德之國

建德渺何許江海望難窮星辰失躔次波濤無始
終送君自崖返君行忽已遠乘桴著日傍何處加
餐飯

古松根枕

蠶尾續詩卷十

五

千年古澗松琥珀化為枕平生陶隱居夢與松風
近細雨夢初回蒼鼠來窺寢

丁都護

莫跋扈付丁昨今年劉毅誅明年馬休虜諸葛最
後來輿尸出東府當時二十有七人共舉義旗若
羆虎桓元已滅道覆亡次第英雄就刀俎秣陵人
唱白浮鳩可憐又殺檀江州

雪後石帆亭懷賓公山中

愁霖昧昏旦歲律俄已窮今晨喜晴霽草木開春
容一徑入雪竹半嶺聞風松紛吾懷故人卧病西

南峰愛而不可見側身欲相從綠萼破輕素玉茗
舒新紅何時散花室敷坐談真空

汎龐居士湖

偶然呼直者去汎小洄中清冷生蘋末延緣出葦
叢禽魚知我樂漁釣使人恭久已忘機事心空酒
亦空

釣使人恭
見子書

折楊柳

楊柳臨風樹東風日夜吹江潭一攀折灞岸久相
思水綠鶯啼處煙青雨霽時年年二三月怱悵麴
塵絲

二四十五

梅花落

蠶尾續詩卷十

十六

建章分麗質月觀復風臺早映珠簾發還愁玉笛
催素姿流豔雪朱萼照瓊杯寄遠勞攀折難逢驛
使來

出塞

寶劍耀昆吾橫行破骨都控弦看過鴈躍馬度飛
狐轉戰寒雲合連營夜柝呼龍沙馳露布生得五
單于

入塞

甘泉夜火紅萬騎發回中舊淬龍鱗劍新弦虎鬚

弓馬毛千里雪隼翅一天風老上王庭盡歸論衛
霍功

隴頭水

西征登隴坂九折上雲煙似爲飄零客長流嗚咽
泉秋風臨渭水返景望秦川此去燉煌路音書又
隔年

關山月

隴水流離下關山月正明光連雞鹿塞別憶鳳皇
城清淺銀河影淒涼玉笛聲長隨思婦夢夜夜伏
波營

三
世
三

雨雪曲

晉
靈
尾
續
詩
卷
十

七

北地窮陰合蕭關雨雪多霏霏迷玉塞颯颯渡冰
河不儂幽蘭曲猶聞黃竹歌依依望楊柳春色醉
明駝

駝食柳
條則醉

長安道

三峰開帝里八水抱長安晝接朱丹轂宵探赤白
丸竇田賓客易韋杜冶遊殘惟有終南在興亡幾
度看

昭君曲

乍得君王顧銜悲去漢庭長門連永巷劉白與樊

青雁度驚秋盡花飛見涕零琵琶明怨惜抑掩爲誰聽

劉生

美人青玉案上客紫貂裘駿馬追風疾高軒似水流
千金輕趙璧一笑脫吳鉤明日平陵道還從劇孟遊

紫騮馬

丁香紅叱撥宜稱錦連錢色較黃驄麗珂分白蜃
妍三花初剪鬣七寶會裝鞭不入鈎陳仗金丸逐少年

三五廿四

蠶尾續詩卷十

十八

迦峪菴

迦陵音響處寂寞閉禪關春草社前雨夕陽谿上山
經聲空翠裏流水古松間薄暮依僧定惟聞鹿女還

繡江甯園

夾岸皆楊柳人家水上居微風語沙燕細浪唼江魚
竹暗通樵路松涼展道書匡牀春睡足天地一蘆廬

寄張弘蘧兼懷子文太守

離樽殘菊下六載一逡巡未免勞搜粟何須歎積

薪江村多橘戶嶺樹半楓人賴有南安守詩筒字
字新

冬夜過傅濟汝 順治癸巳
少作追錄

歲晏衡門閉寒城急柝傳人來草堂雪鳥宿暮林
煙酒熟開爐後燈明繡佛前朝晴看山色應過斷
橋邊

劉陂千侍御寄

御製先臣羣芳譜序感賦紀 恩時命翰林官廣之名佩
文齋廣羣芳譜別有紀事

歐陽作花譜王氏有農書秘府登瑤笈 天章下

玉除林亭餘髮歸宰木亦蕭疎侍從慚無補多年

三五七六

蟹尾續詩卷十

九

忝直廬 先祖著此書
于二如亭

題高安貞豐水別業

愛君種竹處二水抱亭流似汎瀟湘渚叢篁五月

秋籜龍初奮迅山鳥亂鈎輶寄語滄浪客春風待

子猷

輓高霖蒼中丞

別君浣花里相憶散花樓都護開新府羅施天盡

頭金潏橫象郡銅柱表溪州萬里歸來晚蒼茫薤

露愁

門人李曲江太僕浙歸過訪

昭代求賢切西園引上才故勞卿月出欣見使星
來錦字過三歲衡門爲一開樟亭望江海親看射
潮迴

李太僕至得殷彥來書

三山音驛斷揚子夢相思歲月忽永久山川猶間
之離心南浦別世態北風詩不減瑤華字長懷瓊
樹枝

鵲巢訟庭詩爲蔣文孫中丞賦

太液歌黃鵠長離下紫庭詎知仁鳥意獨愛長官
廳人靜棠陰滿風和鵲喜靈借用司空圖句召南王化始家

二五九

世有傳經

中丞世以毛詩名家

蠶尾續詩卷十

二

題殷彥來二圖二首

彭蠡別來久重披秋帆

去聲

圖風煙接吳楚表裏見

江湖歲月鯨波渺乾坤龍戰孤康郎懷古處感槩
不能無彭蠡秋帆

幽篁歲方晏雨霰更凄然鶴立無人徑鴉啼欲暮
天地爐殘芋熟雪屋一燈燃寂寞寒更裏江春入

舊年

紙牕竹屋

汪蒼孚五世讀書園詩

仲淹先生之後

前賢讀書處五世尚名園風雅持門戶弓裘到子

孫箕臺三徑好喬木百年存望古思巢許莊生豈
寓言

感懷子將弟

年年雞黍約三月欸柴荆麥壠連村暗梨花幾樹
明北堂聞社鼓南畝餉春耕芳草東臯路從今不
忍行

書汪蒼孚母吳封臂詩後兼以為壽二首

早年荼苦視如飴何異當熊死不辭今日華堂稱
燕喜誰知夜半裹創時

玉女投壺將進酒

欲凌風一從朱鳥牕

八十六

蠶尾續詩卷十

主

中見阿母桃花幾度紅

帶經堂集卷六十四

